摛藻堂四庫全書

薈

要

史部

欽定四庫全書管要 通志卷二十

詳校官員外部臣楊世綸



欽定四庫全書管要卷八千九百十九更部 通志卷二十 宣穆張皇后 如傅第二 文明王皇后 曽夫人惠 賈皇后 右迪 功 武元楊皇后 景懷夏侯皇后 郎 通志 惠羊皇后謝夫懷王皇太后九楊皇后 武悼楊皇后左貴 鄭 樵 漁 景獻羊皇后 仲 撰

欽 宋 定四庫全書 皇后 王皇后 后 穆趙皇后 哀靖王皇后 成恭杜皇后妃 元夏侯太妃 簡文順王皇后 安德陳太后 孝懿蕭皇后 廢帝孝庾皇后 九本康獻褚皇后 章本元敬虞皇后 章本 孝武文李太后 安僖王皇后 武敬城皇后 君明穆庾皇后 簡文宣鄭太 穆章何皇后 孝武定 恭思褚

齊 皇后 後發帝陳太妃 後發帝江皇孝武文穆王皇后 前發帝何皇后 宣孝陳皇后 帝張夫人 文安王皇后 元袁皇后都次孝武昭路太后 妃 順謝皇后 文章胡太后 髙昭 鬱林王何妃 劉皇后 後廢帝江皇后 少帝司馬皇后 海陵王王妃 武穆裴皇后 明宣沈太后 明恭王 英韓 明

飲定四庫全書 [陳 梁 皇后 文獻張皇后 敬劉皇后 武宣章皇后 阮太后 簡文王皇后 敬王皇后 後主沈皇后張貴 東昏褚皇后 武德都皇后 文沈皇后 元帝徐妃 和王皇后 廢帝王皇后 武丁貴嬪 文宣 敬夏太后 宣柳

自林皇后 孝文廢馮皇后 孝文幽馮皇后 皇后 文成元李皇后 獻文思李皇后 孝文原志 大成文明馬 一方 明元密杜皇后 太武赫連皇后 太武教 慕容皇后 王皇后 昭成慕容皇后 獻 神元鸾皇后 道武宣穆劉皇后 文帝封皇后 獻文思李皇后 孝文 明貨皇后 惟皇后 明元昭哀姚皇 人太武敬 道武

北齊 帝宇文皇后 孝文昭高皇后 将太妃海娘文襄敬元皇后母北文宣李皇后朱太妃外爾上黨韓太妃 馬胡鄭太妃 高 神武明婁皇后 宣武靈胡皇后 文帝文乙弗皇后 恭帝若干皇后 宣武順于皇后 蠕蠕公主郁久間氏 孝明胡皇后 文帝悼郁久問皇后 孝靜高皇后 孝武高皇后 宣武高皇后 彭城 髙 陽

盆

灾

四月白丁

後周 文元皇后 宣楊皇后 敬獨孤皇后 启 宣尉遲皇后 媰 王嬪 馮淑妃 後主斛律皇后 孝昭元皇后 宣朱皇后 宣陳皇后 文宣叱奴皇后 武成阿史那皇后 静司馬皇后 武成胡皇后 後主胡皇后 孝関元皇后 武李皇后 宣元皇 弘德李丰 後主移皇 后 明

隋 文獻獨孤皇后 場怒蕭皇后 晉 宣華陳夫人 容華蔡夫人

飲定四

庫全書

六宫位號沿革尚矣惟帝祖母號太皇太后帝母號皇 太后嫡妃號皇后秦以降不能易馬自夫人以下其

謂之名與夫增損之數歷二漢及曹氏莫之或一晉武

受禪採漢魏之制置貴嬪夫人貴人是為三夫人位

内 為 職 ソく 末 F 九 必: 嬪 使脩漢貴 南 仔華 光娟 皆 遷 位 妃 容晉武魏 仍 视 而 淑 其 華武所文 後 九 媛 前帝制帝 舊 卿 三 庶 淑 事 年 漢所淑所 馬 其 儀 宋 省 舊制妃制 倥 餘 華脩容 號脩魏夫 您 武 有美人才人中才人爵 代 魔容明人 百 司 置 晉 華魏帝魏 貴 晉文所武 庶 省 脩 武帝制初 府 妲 才 率 倢 從 所制媛魏 減 相 制价魏國其 省 美儀文所 餘 人魏帝制 悉 後 視 宫 用

三

司

為

又

置

昭

儀

昭

容

漢明所貴

才人良人三年又省貴人置貴姬以備三夫人之數始二年省淑妃昭華中才人充衣復置脩華脩儀脩所制中才人晉武帝所制充衣前漢舊制 万日帝 容 五職亞九嬪美人才人良人三職為散役其後帝留 昭華增淑容承徽列崇以淑媛淑儀淑容昭華昭 定 四庫全書 脩華脩儀脩容為九嬪使行容華充華承微列禁 房擬百官備置內職馬及齊高帝建元元年有 武昭 儀脩容又置中才人充衣以為散 帝容 本孝 充所 衣制 前昭 漢華 舊魏 明帝 明 帝 又

侯才人比駙馬 奏置貴嬪夫人貴人為三夫人脩華脩儀脩容淑 金章紫綬佩于闖玉淑妃舊擬九棘以淑為溫恭 妃為 三年太子官置三內職良娣比開國侯保林比五 淑儀使仔容華充華為九嬪美人中才人才人為 國降淑媛以比九卿七年復置昭容位在九嬪馬 亂及正深鑒奢逸配德早終長秋曠位定令制貴 亞后之名進同貴妃以比三司夫人之號不 都 尉及永明元年有司奏貴如叔

通志

簡文元帝出自儲審或迫在拘繁或逼於冠亂且妃並 位其數多關文帝天嘉之後詔宫職備員其所制立無 職美人才人良人為三職東官置良娣保林為二職及 脩華脩儀脩容為九嬪使行容華充華承徽列荣為五 欽 帝後主無所改作馬今總綴緝起晉訖陳立此篇云 改梁舊編之令文以為後法然帝性恭儉嬪嫱不備宣 妃貴嬪貴姬為三夫人淑媛淑儀淑容昭華昭儀昭容 **殂不建椒間陳武光膺天歷以樸素自居故後官員**

生景帝文帝平原王幹南陽公主宣帝初辭魏武之 宣移張皇后諱春華河內平皐人也父汪魏栗邑令 進見帝當卧疾后往省病帝曰老物可憎何煩出也 惟 託以風痺不能動止常暴書遇暴雨不覺自起收之家 輕患不食將自殺諸子見后不食亦皆不食帝議而 河内山氏司徒濤之從祖姑也后少有德行智識過 一婢見之后恐事泄致禍遂手殺此婢以滅口而 聚帝由是大敬重之其後柏夫人有 電后军得

通志

必豫籌畫魏明帝世宣帝居上将之重諸子並有雄才大將軍母曹氏魏德陽鄉主后雅有識度帝每有所為景懷夏侯皇后諱微字媛容沛國熊人也父尚魏征南縣君咸熙元年追號宣穆妃及武帝受禪追贈為皇后 青龍二年遂以鴆崩時年二十四葬峻平陵武帝登 正始八年崩時年五十九葬洛陽高原陵追贈廣 后乃止帝退謂人日老物不足惜誠慮困我好兒耳 略后知帝非魏之純臣而后 既魏氏之甥帝深思

無子武帝受禪居弘訓官號弘訓太后泰始九年追贈 皇后崩景帝更娶鎮北將軍濮陽吳質女見點復納后 景獻半皇后諱嚴瑜泰山南城人父衛上黨太守后母 初未及追崇弘訓太后每以為言泰始二年始加號 蔡氏齊陽縣君諡曰穆咸寧四年太后崩時年六十五 陳留蔡氏漢左中郎將邕之女也后聰敏有才行景懷 后無男生五女 諡

欠足り事私書

通志

每盡其理祖司徒朗甚爱異之曰與吾家者必此女也 带者久之每先意候指動中所適由是父母令攝家事 文明王皇后諱元姬東海郑人也父庸魏中領軍蘭陵 侯后性聰慧年八歲誦詩論尤善喪服苟有文義目所 獻王攸城陽哀王兆廣漢殤王廣德京兆公主后事宣 一見必貫於心年九歲遇母疾扶侍不捨左右永不 加敬異既拜歸於文帝生武帝及遼東悼王定國齊 不為男矣年十二朗费后哀戚哭泣發於自然其

僕劉原為太僕宗正曹楷為少府后雖處尊位不忘素 帝及移后曲盡婦道謙冲接下嬪御有序及居父喪身 後會果反后之明見類如此武帝受禪尊為皇太后宫 不勝衣言與淚俱時鍾會以才能見任於文帝后每言 九族垂心萬物言必典禮浸潤不行帝以后母羊氏未 日崇化初置宫卿重選其職以太常諸葛緒為衛尉太 於帝曰會見利忘義好為事端寵過必亂不可大任 執紡績器服無文御浣濯之衣食不參味而敦

足曰事全

書

追諡為平陽靖君四年后崩時年五十二合葬崇陽陵 ·崇號諡泰始三年下詔褒稱德美使使持節謁者何融 各五百户太康七年復追贈繼祖母夏侯氏為榮陽 將遷稍帝手疏太后德行命史官為哀策以叙述馬其 吉渭陽之感永懷靡及其封楊夫人及從母為鄉君邑 氏舅氏尊屬鄭劉二從母先后至愛每惟聖善敦睦遺 後帝追慕不已復下詔曰外曾祖故司徒王朗夫人楊

東平陽新豐陽平公主武帝即位立為皇后有司奏依 姿質美麗閉於女工有善相者當相后當極貴文帝聞 他人乳其子及長又隨後母段依其家后少聰慧善書 傳母天水趙氏早卒后依舅家舅妻仁爱親乳養后遣 許帝以皇太子不堪奉大統密以語后后日立嫡以長 漢故事皇后太子各食湯沐邑四十縣帝以非古典 武元楊皇后諱監字瓊芝弘農華陰人父文宗見外戚 而為世子聘馬甚被寵遇生毗陵悼王軌惠帝秦獻

灾足日車私書

美色帝欲納之掩扇謂后日下氏女佳后日藩三世后 德又密使太子太傅首題進言上乃聽之后追懷男氏 官乘使車給關騎馳傳州郡召充選者使后簡擇后性 始中帝博採良家以充後宫先下書禁天下嫁娶使中 之恩故顯官趙俊而納俊兄虞女粲於後宫為夫人泰 子妃及議太子婚帝欲娶衛瓘女然后盛言賈后有淑 惟取潔白長大其端正美麗並不見留時下藩女有

不以賢豈可動乎初賈充妻郭氏使貼后求以女為太

胡奮廷尉諸葛冲太僕職權侍中馮孫秘書郎左思 六宫因悲泣帝流涕許之后泰始十年崩于明光殿 世族子女並充三夫人九嬪之列司真究豫四州二千 族其女不宜枉以甲位帝乃止司徒李允鎮軍大將 安臨終枕帝滕曰叔父駿女男允有德色願陛下以情 石將吏家補良人以下名家藏族子女多敗衣瘁貌 之及后有疾見帝素愛胡夫人恐後立之慮太子不

- 膝時年三十七詔賜諡后母趙氏為縣君以繼

段氏為鄉君命史臣作后哀冊以叙其懷葬于峻陽陵 有傳咸寧二年立為皇后婉媽有婦德美映椒房甚 寵生渤海殤王早薨遂無子太康九年后率內外夫 武悼楊皇后諱芷字季蘭小字男允元后從妹父駿別 廢之后言於帝曰賈公問有勲社稷猶當數世宥之賈 親是其女正復如忌之間不足以一告掩其大德 婦躬桑于西郊賜帛各有差太子妃賈氏妬忌帝 后 有

月る一

數誠厲如如不知后之助己因以致恨謂后構之於

宮特全后母高都君靡氏之命聽就后居止賈后風 募將士同惡相 公有司奏日皇太后陰漸奸謀圖危社稷飛箭緊書 因宣言太后同逆駿既死詔使將軍首悝送后於永寧 權遂誣駿為亂使楚王瑋與東安王繇 后題帛為書射之城外曰殺太傅者有賞賈后 彌深及帝崩尊為皇太后實后凶悖忌后父 濟自絕於天魯侯絕文姜春秋所許 稱記謀駁 内

雖懷無已之情臣下不敢奉詔可宣物王公於朝堂

角太

太后為峻陽庶人中書監張華等以為太后非得罪於 會議詔曰此大事更詳之有司又奏駿籍外戚之資陰 先帝者也今黨惡所親為不母於聖世宜依孝成趙皇 望昔文姜與亂春秋所貶呂宗叛戾高后降配宜廢皇 部命阻兵員衆血刃宮省上背祖宗之靈下絕億兆之 圖凶逆而皇太后內為唇齒協同其謀禍釁既彰背捍 后故事曰武帝皇后處之離宫以全貴終之恩尚書令 下邳王晃等議以皇太后與駿謀危社稷不可復奉承

飲定四庫全書

持舉斗截髮稽額上表詣贾后稱妄請全母命不見省 心今太后廢為庶人請以龐付廷尉行刑詔曰聽龐 又奏楊駿造亂家屬應誅詔原其妻龐氏以慰太后 在位十五年賈后又信妖巫謂太后必訴冤先帝 朝配合先帝宜貶尊號廢詣金墉城於是有司奏請 (后尚有侍御十人 賈后奪之絕膳而崩時年三 隨有司希費后旨固請乃從之靡臨刑太后 議廢太后為庶人詔不許有司又固請乃可

通さ

使內外詳議衛將軍虞潭議以為悼后既已復位則 左貴嬪名芬臨淄人兄思別有傳芬少好學善綴文名 有虧於是王公卿士等咸從潭議太后始得配食武帝 覆而殯之施諸厭劾符書藥物永嘉元年追復尊號諡 之文因為離思賦以進後策為貴嬪安恆無寵以才德 配食世祖未有位號居正而偏祠别室者也此於國典 亞於思武帝聞而納之泰始八年拜修儀受詔作愁思 日悼后别立廟神主不配武帝至成帝咸康七年下詔 應

女萬年公主薨帝痛悼不已詔芬作誄其文甚麗帝重 見禮體贏多患常居薄室帝每遊華林郵廻輦過之言 臨淫人父奮別有傳泰始中帝多簡良家子女以充內 答兄思詩書及雜賦頌數十篇並行於世胡貴嬪名芳 芬詞藻每有方物異寶必韶為賦領以是屢獲思賜馬 芬獻誄於帝咸寧二年納悼后芬於坐受詔作頌及帝 及文義辭對清華左右侍聽莫不稱美及元楊皇后崩

職自擇其美者以絳紗繋臂而芳既入選下殿號泣左

車然方最蒙愛幸殆有專房之龍馬侍御服飾亞於皇 為貴嬪帝每有顧問不飾言辭率爾而對進退方雅時 之至便宴寢官人乃取竹葉挿户以鹽汁灑地而引帝 將萬人而並寵者甚衆帝莫知所適常乘羊車恣其所 帝多內寵平吳之後復納孫皓宫人數千自此掖庭殆 右止之曰陛下聞聲芳曰死且不畏何畏陛下遂冊拜 芳對曰北代公孫西距諸葛非將種而何帝甚有慙色 后帝當與之摴蒱爭矢遂傷上指帝怒曰此固將種也

定四庫全書

卷二十

長廷尉卿婉以泰始九年春入宮拜為夫人兄銓字 林散騎常侍銓弟政字仁林侍中御史中丞玫婦弟周 惠賈皇后諱南風平陽人小名昔父充别有傳初武帝 帝立單越不許重言之越怒遂斬政及穆臨刑政謂穆 清河王單之舅也永嘉初穆與致勸東海王越廢懷 生武安公主諸葛夫人名婉琅邪陽都人父冲字 即何道穆曰今日復何所説時人方知謀出於

通志

帝白衛公女有五可買公女有五不可衛家種賢而多 欲為太子取衛难女元后納賈郭親黨之說欲婚賈氏 二小太子一歲短小未勝衣更娶南風年十五大太子 顗首朂並稱充女之美乃定婚始欲聘后妹午午年十 子美而長白賈家種如而少子配而短黑元后固請前 朝臣和崎等多以為言故欲試之盡召東宫大小官屬 太子畏而感之嬪御罕有進幸者帝常疑太子不慧且 二歳泰始八年二月辛卯冊拜為太子如妬思多權詐 定四庫全書 卷二

避衆人乃知瓘先有毀言殿上皆稱萬歲充密遣語 喜語沿便為我好答富貴與汝共之浴素有小才具並 答記引義必責作草主更益禮員不如直以意對妃大 倩外人作答答者多引古義給使張泓曰太子不學而 擲孕妾子隨刃墮地帝聞之大怒已修金墉城將廢之 令太子自寫帝省之甚悦先示太子必傅衛瓘瓘太 衛瓘老奴幾破汝家妃性酷虐當手殺數人或以或

通志

為設熱會而密封疑事使太子決之停信待反妃大懼

安公縣分掌朝政后母廣城君養孫賈謹干預國事 臨海始平公主哀獻皇女后暴戾日甚侍中賈模后之 首弱後深救之故得不發惠帝即位立為皇后生河東 當差願陛下察之楊班亦為之言曰陛下忘買公問 充華趙粲從容言日賈妃年少如是婦人之情耳長自 伴人主縣密欲發后賈氏憚之及太宰亮衛瓘等表絲 族兄右衛郭彰后之從舅並以才望居位與楚王瑋東 徙帶方奪楚王中候后知瑋怨之乃使帝作密詔令瑋

於是隨去上車下惟內麗箱中行可十餘里過六七 役忽有非常衣服衆咸疑其竊盗尉嫌而辯之賈后 謀廢之行悔 副彰於內外洛南有盗尉部小吏端麗美容止既給 **詠亮以報宿憾模知后凶暴恐禍及已乃與裴頹王** ,欲求盗物往聽對解小吏云先行逢一老嫗說家有 師卜云宜得城南少年厭之欲暫相煩必有重報 而謀寝后遂荒淫放恣與太醫令程據

麓箱忽見樓

照好屋問此是何處云是天上即

通志

母廣城君以后無子甚敬重愍懷每勸属后使加慈爱 身內豪物為產具遂取妹夫韓壽子慰祖養之託諒 風烈烈吹黄沙遥望魯國鬱嵯峨前至三月滅汝家后 所生故不顯遂謀廢太子以所養,代立時洛中謡曰 人入者多死唯此小吏以后愛之得全而出初后許有 物聽者聞其形状知是賈后輕笑而去尉亦解意時他 香湯見浴好衣美食將入見一婦人年可三十五六短 形青黑色眉後有疵見留數夕共寝歡臨出贈此衆 定四庫全書 南

憶吾言后不能遵之遂專制天下威服內外更與祭午 甚切至又曰趙粲及午必亂汝事我死後勿復聽入深 醫出入怕怕盡禮宜城臨終執后手令盡意於太子言 **賈諡恃貴驕縱不能推崇太子廣城君恒切責之廣城** 太保衛瓘楚王瑋等皆臨幾專斷官人董益參預其事 專為奸謀誣害太子衆惡彰著初誅楊駿及汝南王亮 後改封宜城宜城病篤后出侍疾太子常往宜城第将 猛武帝時為寺人監侍東宫得親信於后預誅楊駿封

文包日奉公告 高

當從我出何詔也后至上問遥呼帝曰陛下有婦使 隙故倫使之后鱗日卿何為來問日有詔收后后日 武安侯猛三兄皆為亭侯天下成怨及太子發點趙王 視聽其謀頗洩后甚懼遂害太子以絕衆望趙王倫 偷孫秀等因眾怒謀欲發后后數遣宮婢微服於人 之亦行自廢又問問曰起事者誰曰梁趙后曰緊 兵入宫使翊軍校尉齊王問入殿廢后后 **於頸今及繁其尾何得不然至宫西見諡尸再舉** 與四母有

傳賈后既廢孫秀議立后后外祖孫於與秀合族又 温以送女女遇主甚酷元帝鎮建紫主指縣自言元帝 子自結於秀故以太安元年立為皇后将入官衣中有 惠羊皇后諱獻容泰山南城人祖瑾父元之並見外 誅温及女改封臨海宗正曹統尚之

而哭遽止倫乃矯詔遣尚書劉弘等持節齊金屑酒

死后在位十一年趙粲賈午韓壽董猛等皆伏誅臨

公主先封清河洛陽之亂為人所器傳賣吳興錢

與尚書僕射首潘河南尹問馥不奉詔馳上奏申救之遣尚書田淑粉留臺賜后死詔書累至司禄校尉劉蝦興初張方又廢后河間王嗣矯詔以后屢為姦人所立 火成都王顓伐長沙王乂以討元之為名乂敗頡奏廢 颙見表大怒乃遣陳顏日朗東孜暾暾奔青州后遂 后為庶人處金墉城陳耶等唱伐成都王大赦復后 帝還洛迎后復位後洛陽令何喬又廢后及張方首 方入洛又廢后方逼遷大駕幸長安留臺復后位永

庇之貴為帝王而妻子辱於凡庶之手遣妄爾時實不 基之聖主彼亡國之暗夫有一婦一子及身三耳不 思生何圖復有今日妄生於高門常謂世間男子皆然 欴 定日車全書題 櫛以來始知天下有丈夫耳曜甚寵爱之生曜

皇后因問日吾何如司馬家兒后日胡可並言陛下開

為惠帝皇后

至其日復后位會帝崩后慮太弟立為嫂叔不得稱

后催前太子清河王覃入将立之不果懷帝即位尊后

居宏訓宫洛陽敗沒于劉曜曜俗位以為

遣在東官侍寢由是得幸有身費后思之玖求還西宫 諸皇子共戲執其手武帝曰是汝兒也及立為太子 遂生愍懷太子年三四歲惠帝不知也入朝見愍懷與 帝在東宫将納妃武帝慮太子尚幼未知惟房之事乃 二子而死偽諡獻文皇后謝夫人名玖家本貧賤父以 玖為淑媛賈后不聽太子與玖相見處之一室及愍懷 屠羊為業玖清惠貞正而有淑姿選入後庭為才人惠 一酷玖亦被害馬永康初詔改葬太子因贈玖夫人印

字仲容淮南太守清明亭侯如生自華宗幼而明慧 元夏侯太妃名光姬沛國熊人也祖威兖州刺史父 王太妃永嘉元年薨于江左葬琅邪國初有識云銅 **邪武王為世子覲納馬生元帝及恭王薨元帝嗣立** 入海建業期太妃小字銅環而元帝中與於江左馬 王皇太后諱媛姬不知所出初入武帝宫拜中 懷王即位追尊曰皇太后

足口車全書 慶

虞后所忌自以位果每懷怨望為帝所譴漸見疎薄及 荀氏元帝宫人也初有寵生明帝及琅邪王裒由是為 平陵太寧中明帝追懷母養之思贈豫妻王氏為环陽 尉萬勝奉冊追贈皇后璽綬祀以太牢科于太廟葬建 為琅邪王納后為如無子永嘉六年薨時年三十五帝 縣君從母散騎常侍新野王军妻為平陽縣君豫章君 為晉王追尊為王后太與三年帝踐作遣使持節兼太 元敬虞皇后諱孟母濟陽外黃人也父豫見外戚傳帝

供奉隆厚及成帝立尊重同於太后咸寧元年弗贈 章郡君别立廟于京師 臣謹按豫章君生明帝明帝為天子而處之别宅閱 兩朝但為封君不正太后之號當時朝臣無有非 之者有以知晉朝之不綱也然史氏載之亦無譏論

帝即位封建安君别立第宅太寧元年帝迎還臺內

明穆庾皇后諱文君賴川鄢陵人也父琛見外戚傳后

冲宜依漢和熹皇后故事后解讓數四不得巴而臨 作逆京都傾覆后見逼辱遂以憂崩年三十二后即位 攝萬幾后兄中書令亮管記命公卿奏事稱皇太后 位立為皇后及成帝立尊后曰皇太后羣臣奏天子 性仁惠美姿儀元帝聘為太子如以德行見重明帝即 母丘氏安陵縣君從母首氏永寧縣君何氏建安縣 凡六年其後帝孝思图極贈琛驃騎大将軍儀同三司 下有司奏贈后父琛及夫人母丘氏后固不聽及蘇

成恭杜皇后諱陵陽京兆人鎮南将軍預之曾孫也父 皇后即日入官帝御太極前殿羣臣畢賀畫漏盡懸籥 縣七年三月后崩年二十一外官五日一臨內官旦 止及帝納采之日一夜齒盡生改宣城陵陽縣為廣陽 入葬記止后在位六年無子先是三吳子女相與簪白 百官乃罷后少有姿色然長猶無齒有來求婚者軟中 **义見外戚傳成帝以后奕世名德咸康二年備禮拜為**

亮表陳先志讓而不受

| 飲定四庫全書 禁遠近遣使明年元會有司奏廢樂詔廢管經奏金石 施塗車對靈有司奏造凶門相歷及調挽即皆不許又 崩帝下詔山陵之事一從節儉陵中唯潔婦而已不得 |花望之如素奈傳言天公繼女死為之者服至是而后| 如故孝武帝寧康二年以后母裴氏為廣德縣君裴氏 中表之美高於當世遐隨東海王越遇害無子唯移渡 名穆長水校尉綽孫太傅主簿遐女太尉王夷甫外孫 江遂享學慶立第南掖門外世所謂杜姥宅云章太妃

皇后封母謝氏為尋陽鄉君穆帝即位尊后日皇太后 私情所以上嚴祖考帝從之 周氏以選入成帝宫有寵生哀帝及海西公始拜為貴 康獻褚皇后諱蒜子河南陽翟人父哀見外戚傳后 人哀帝即位韶崇為皇太妃儀服與太后同興寧元年 有器識少以名家入為琅邪王妃及康帝即位立為 **欧服重尚書僕射江縣唇應服總麻三月謂厭屈**

時帝幼冲未親國政領司徒蔡謨等上奏引漢和熹順

烈及近世明移故事請太后親攝萬幾太后於是臨朝 日與百姓困窮願諸君子勠力一心輔異幼主匡救不 帝既備兹冠禮而四海未一五胡叛逆豺狼當路費役 在成司徒親尊德重訓殺其弊王室之不壞實公是憑 反政一依舊典退於崇德宫手部潭公曰昔以皇帝以 稱制朝臣皆致故於泉後帝既冠加元服太后乃歸 建未亡人永歸别宮以終餘齒仰惟家國故以一言 冲從羣后之議既以閣弱又頻丁極艱街恤歷祀沈憂

一面定四月全意

沖桓温又薨羣臣又图太后攝政太后於是復臨朝 始呈部草慮太后意異快動流汗見於顔色及韶出温 钦包回車 至書 大喜簡文帝即位尊后為崇德太后及帝崩孝武帝幼 系筆答奏云未亡人雅此百憂感念存沒心馬如割温 好禮備復歸政稱崇德太后太元九年崩于顯陽

懷及哀帝海西公之世太后復臨朝稱制桓温之於

刀出尚倚戶前視奏數行乃曰我本自疑此至半便

西公也太后方在佛屋燒香內侍唇云外有急奏太

穆章何皇后諱法倪廬江潘人也父准見外戚傳以名 服廢於本親謂應齊哀春從之 哀皇及靖后之祀致敬同於所天豈可敬之以君道而 夫屬父道者妻則母道也則夫屬君道妻亦后道矣服 家曆選升平元年八月下璽書口皇帝咨爾前太尉參 后以齊母之義也魯譏逆祀以明尊早今上躬奉康穆 其服太學博士徐藻議曰資父事君而敬同又禮云其 殿年六十一在位凡四十年太后於帝為從嫂朝議疑

社稷謀于公卿成以宜率由舊典今使使持節太常彪 皇后居永安宫及桓玄篡位移后入司徒府路經太 之宗正綜以禮納采琦答曰前太尉參軍都鄉侯糞 軍何琦混元資始肇經人倫爰及夫婦以奉天地宗 中領軍治持節奉策立為皇后后無子哀帝即位稱 人欽承舊章肅奉典制又使無太保武陵王晞無太 臣從祖弟故散騎侍郎準之遺女未開教訓衣履若 琦稽首頓首再拜皇帝嘉命訪婚陋族備數採擇

女后初為琅邪王妃哀帝即位立為皇后追贈母爰氏 在位凡四十八年 為安國鄉君后在位三年無子與寧二年崩 拜陵廟有司以冠難未平奏停永與二年崩年六十六 后停興慟哭哀感路人玄聞而怒曰天下禪代常理何 哀靖王皇后諱穆之太原晉陽人也司徒左長史蒙之 預何氏女子事邪乃降后為零陵縣君與安帝俱西至 巴陵會劉裕建義殷仲文奉后還京都后以遠還欲奉 定匹庫全書 三

臨濟令父愷字祖元安豐太守后少孤無兄弟唯姊 為東海王妃及帝即位立為皇后太和六年崩葬于 四人后最長先適渤海田氏生一男而寡依于自 海西公薨于吳又以后合葬于吳陵 平陵帝廢為海西公追貶后曰海西公夫人太元九年 簡文宣鄭太后諱阿春河南柴陽人也世為冠族祖

庾皇后諱道憐賴川鄢陵人也父冰自有傳

吳氏元帝為丞相敬后先崩将納吳氏女為夫人后

陽公主帝稱尊號后雖為夫人詔太子及東海武陵王 其從子傭娶第三者以小者適漢中李氏皆得舊門市 容謂劉陽日鄭氏二妹卿可為求佳對使不失舊限舉 王褒餘二妹未有所適恐姊為人妄無復求者帝因從 幸而恒有憂色帝問其故對曰妄有妹中者已適長沙 吳氏遠矣建武元年納為琅邪王夫人甚有寵后雖貴 吳氏女並游後園或見之言於帝曰鄭氏女雖接賢於 召王褒為尚書郎以悦后意后生琅邪悼王簡文帝尋

母子並失帝意俱被幽廢后遂以憂夷咸安二年孝武 簡文順王皇后諱簡姬太原晉陽人也父遐見外戚傳 太如尊號日簡文太后立廟於太廟路西陵日嘉平 時為琅邪王後自琅邪徒封會稽追號后日會稽太妃 皆母事之帝崩后稱建平國夫人成和元年费簡文帝 后以冠族初為會稽王妃生子道生為世子永和四年 領會稽國奉太妃祀太元十九年孝武帝述遵先志上 及簡文帝即位未及追尊臨崩封皇子道子為琅邪王

光禄大夫加散騎常侍 帝即位追尊曰順皇后合葬高平陵追贈后父遐特進

男其一終威晉室時徐貴人生新安公主以德美見龍 十年帝令卜者扈謙筮之曰後房中有一女當育二貴 有三子俱天自道生廢點獻王早世其後諸姬絕孕将 孝武文李太后諱陵容本出微暖始簡文帝為會稽王

帝常真其有城而彌年無子會有道士許邁者朝臣時

黑官人皆謂之崑崙既至相者驚云此其人也帝以大 數年無子乃令善相者召諸爱妄而示之皆云非其人 緒當從扈撫之言以存廣接之道帝然之更加採納又 祥向儕類說之帝聞而異馬遂生孝武帝及會稽文孝 計召之以侍寢后數夢兩龍枕膝日月入懷意以為吉 又悉以諸婢媵示馬時后為官人在織坊中形長而色 無道術斯事豈所能判但陛下德厚慶深宜隆奕代之 王都陽長公主及孝武帝初即位尊為淑妃太元三年

於定四車全書

傳初帝将納后訪于公卿時蘊子恭以弱冠見僕射謝 訓宫安帝立尊為太皇太后隆安四年崩於含章殿帝 年八月辛已帝臨軒遣無太保劉耽尊為皇太后稱崇 進為貴人九年又進為夫人十二年加為皇太妃十九 孝武定王皇后諱法慧哀晴皇后之姓也父題見外戚 晉室若帝納后有父者唯麼望如王蘊乃可既而訪縊 安安深重之既而謂人曰昔毛嘉見耻魏朝楊駿幾傾 及太后百官皆服齊良期葬修平陵神主祔宣太后廟

臣等參議可以配德乾元恭承宗廟微音六宫母儀天 奏稱與女天性柔順四業允備且盛徳之胄美善先積 女容德淑令乃舉以應選寧康三年中軍将軍桓沖等 平昌太守后以美色能歌彈入宫為叔媛生安恭二帝 謝馬后乃少自改飭太元五年崩年二十一葬隆平陵 安德陳太后諱歸女松滋尋陽人也父廣以倡進仕至 如帝患之乃召蘊於東堂具說后過令加訓誠蘊免冠 下於是帝始納馬封藴妻劉氏為樂平鄉君后嗜酒

飲定四庫全書 后初為琅邪王妃元熙元年立為皇后生海鹽富陽公 恭思褚皇后諱靈媛河南陽翟人義與太守爽之女也 后無子義熙八年崩於徽音殿時年二十九葬休平陵 新安愍公主后以太元末納為太子妃安帝立冊為皇 安信王皇后諱神受琅邪臨沂人也父獻之見列傳母 太元十五年薨贈夫人追崇曰皇太后神主科于宣太 后廟陵曰熙平

主及帝禪位于宋降為零陵王妃宋元嘉十三年崩年

五十三科葬沖平陵

孝穆趙皇后諱安宗下邳僮人也父裔平原太守后以

臨賀縣侯裔子倫之自有傳 然經裔命婦孫氏封豫章郡建昌縣君其年又追封裔 陵曰興寧永初三年有司奏追贈裔光禄大夫加金章

舍葬晉陵丹徒縣東鄉諫壁里雲山宋受禪追崇號蓝

晉穆帝升平四年嬪于孝皇帝以產武帝殂于丹徒官

熙七年拜豫章公太夫人武帝為宋公宋王又加太 為孝皇帝繼室生長沙景王道憐臨川烈武王道規義 孝懿蕭皇后諱文壽蘭陵人也父卓字子略洮陽令后 失時刻少帝即位加崇曰太皇太后景平元年崩于 太后之號帝踐作尊日皇太后居宣訓宫上以恭孝為 陽殿年八十一遺令漢世帝后陵皆異處今可於瑩域 行奉太后素謹及即大位春秋己高每旦朝太后未當 遵往式乃開別廣與與寧合墳初武

恭謹不違及武帝與後晉室居上相之重而后器服廳 壽昌縣君卓子源之襲的源之見子思話傳 武敬臧皇后諱愛親東莞人祖汪尚書郎父傷郡功曹 金紫光禄大夫义追封封陽縣侯妻下邳趙氏封吳郡 后配武帝生會稽宣長公主與弟武帝以儉正率下后

嚴後不須科葬至是故稱后遺令云卓初與趙裔俱贈

帝微時貧約過甚孝皇之姐葬禮多闕帝遺旨太后百

素不為親屬請謁義熙四年正月甲子班於東城年四

為皇太后官曰永樂少帝廢太后還璽緩隨居吳縣文 武帝張夫人諱闕不知何許人也生少帝及義與泰長 **熹子質並自有傳** 紫光禄大夫妻高密叔孫氏封永陵平鄉君傷子素意 建業於是備法駕迎梓宫科葬初寧陵宋初追贈傷金 公主惠媛永初元年拜夫人少帝即位有司奏上尊號 十八追贈豫章公夫人還葬丹徒武帝臨崩遺詔留葬

帝元嘉元年拜管陽國太妃二年薨

少帝司馬皇后諱茂英晉恭帝女也初封海鹽公主少 位有司奏上尊號日章皇太后陵曰熙寧立廟建業 生五年被證賜死葬丹徒武帝踐阼追贈使行文帝即 文章胡太后諱道女淮南人也義熙初武帝所納文帝 文元袁皇后諱齊為陳郡陽夏人光禄大夫湛之庶女 帝以公子尚馬宋初拜太子妃少帝即位為皇后元嘉 也母本里賤后年五六歲方見舉後適文帝拜宜都王 元年降為管陽王妃又為南豐王太妃十六年费

嘉太守顏延之為哀策文甚麗及奏上自益撫存悼亡 萬三五十匹後潘淑妃有寵愛傾後官咸言所求無不 |薄后每就上求錢帛以贍之上性節儉所得不過三五 一把生子邵東陽獻公主英城上待后恩禮甚為表氏貧 嘉十七年疾篤上執手流涕問所欲言后視之良久乃 得后間之未知信否乃因潘求三十萬錢與家以觀上 引被覆面崩于顯陽殿年三十六上甚悼痛之韶前永 意宿昔便得因此意恨稱疾不復見上遂志恨成疾元

前度此殿有五間自后崩後常閉美人至殿前流涕去 帝所生也常以非罪見責應賜死從后昔所住徽音殿 手掇慢禁之乃止后亡後常有小小靈應沈美人者 必破國亡家不可舉便欲殺之文帝狼狽至后殿戶外 言曰今日無罪就死先后若有靈當知之殿諸窓戶應 曰元初后生劭自詳視之使馳白帝曰此兒形貌異常 聲豁然開職掌者遽白文帝帝驚往視之美人乃得釋 **感今懷昔八字以致意馬有司奏諡宣皇后上特詔**

之自有傳播淑妃者本以貌進始未見賞文帝好來羊 車經諸房淑如每莊師褰惟以候并密今左右以鹹 章郡新淦平樂鄉君又韶趙蕭藏家及光禄袁敬公平 大明五年孝武乃詔追后之所生外祖親王夫人為豫 於人乎於此愛傾後宫 樂鄉君墓先未給些戶各給蠻戶三以供灑埽后久港 灑地帝每至戶羊軟抵地不去帝曰羊乃為汝徘徊 孝武昭路太后諱惠男丹陽建康人也以色貌選入後 定四庫全書 卷二十

武即位有司奏奉尊號日太后宫日崇憲太后居顯 内故人間咸有醌聲宫掖事秘亦莫能辨也孝建二年 追贈太后父典之散騎常侍與之妻餘杭縣廣昌鄉君 殿上於閨門之內禮敬甚寡有所御幸或留止太后 旨奏贈瓊之父道慶給事中瓊之及弟休之茂之並居 大明四年太后弟子撫軍參軍瓊之上表自陳有司承 職太后頗與政事賜與瓊之等財物皆累千金居處

官生孝武帝拜為淑媛及年長無龍常隨孝武出蕃老

惟閨禁不如所奏及聞義嘉難作太后心幸之延上飲 禮儀不異舊日有司奏宜别居外宫韶欲親奉晨昏盡 初明帝失所生為太后所攝養無爱甚為及即位供奉 器服與帝子相侔大明五年太后隨上巡南豫州妃主 后恩慈特齊哀三月以申追遠諡曰昭皇太后葬孝 后崩秘之丧事如禮遷殯東宫題曰崇憲宫又韶述太 酒置毒以進侍者引上衣上寤起以其厄上壽是日太 下並從廢帝立號太皇太后明帝踐作號崇德太后 卷二十

寧陵地大明之世久所考卜前歲遭諸蕃之難禮從權 陵東號曰修寧陵先是晉安王子勛未平巫者謂宜 事畢即定詔可廢帝景和中又追贈與之侍中金紫光 宜未暇管改而整隧之所山原果陋可式遵舊典以禮 忌慮将來致災泰始四年夏韶有司曰崇憲昭太后修 昭太后陵毀去梓宮以厭勝修復倉卒不得如禮上 創奏請修寧陵元宫補華毀壞權施油殿覧出梓宫 大夫諡曰孝侯道慶光禄大夫開府儀同三司諡

敬侯道慶女為皇后以休之為侍中 明宣沈太后諱容姬不知何許人也為文帝美人生明

追贈湘東國太如明帝即位有司奏上尊號為皇太后 帝拜便行元嘉三十年卒葬建康之其府山孝武即位

拜武陵王妃生察帝豫章王子尚山陰公主楚玉臨淮 孝武文穆王皇后諱憲娘琅邪臨沂人也元嘉二十年

康哀公主楚佩皇女楚琇康樂公主修明孝武在蕃后

諡曰宣陵號崇寧

當時莫知所出及薨帝常思見之遂為通替棺欲見報 皇太后宫曰永訓其年崩于含章殿祔葬景寧陵父偃 别有傳殷淑儀者南郡王義宣女也麗色巧笑義宣敗 西郊皇太后觀禮如主以下並加班錫廢帝即位尊曰 後帝密取之寵冠後宫假姓殷氏左右宣泄者多死故 給輼輬車虎責班劒鑾輅九旒黃屋左纛前後部羽葆 引替親屍如此積日形色不異追贈貴妃諡曰宣及葬

立龍異及即位為皇后馬大明四年后率六宫躬桑于

貴妃可致帝大喜令召之有少頃果於惟中見形如平 子非魯惠公元嫡尚得考别官令貴妃盖天秩之崇班 鼓吹上自南掖門臨過丧車悲不自勝左右莫不掩立 上痛愛不己精神問問頗廢政事每寢先於靈狀酌莫 於是擬李夫人賦以寄意馬謝莊作哀策文奏之帝卧 生帝欲與之言默然不對将執手奄然便歌帝尤哽恨 理應割廟乃立别廟於都下時有巫者能見鬼說帝言 酒飲之既而慟哭不能自及又諷有司奏曰據春秋仲

前廢帝何皇后諱今婉廬江灣人也孝建三年納為皇 為此貴或云貴如是殷琰家人入義宣家義宣敗入宫 位追崇日獻皇后明帝踐作遷后與廢帝合葬龍山北 女豫康長公主諱次男公主先適徐喬美容色聰敏有 后父瑀字幼玉晉尚書左僕射澄曾孫也瑪尚武帝少 太子妃大明五年薨于東宫徽光殿諡曰獻妃廢帝即

覽讀起坐流涕曰不謂當今復有此才都下傳寫紙墨

出邁第獨葬行丧禮常疑邁有異圖邁亦招聚同志欲 英媚邁少以貴戚居顯官好犬馬馳逐多聚才力士位 贈金紫光禄大夫子邁尚文帝第十六女新蔡公主諱 展莫不需被思禮 瑪位右衛将軍主處瑪墓開孝武追 海何弱等並以與馬相尚公主與瑪情爱隆密何氏疎 南濟陰太守廢帝納公主於後官偽言薨獨殺一婢送 智數文帝世禮待特隆瑪豪競於時與平昌孟靈休東 因行發立事覺見誅明帝即位追封建寧縣侯瑪兄子

侍中以怨罵賜死 主伯媛明帝即位立為皇后上嘗宫內大集而裸婦 子右率拜一二日復求侍中旬月之間求進無已不 觀之以為歡笑后以扇障面獨無所言帝怒曰外舍家 帝改封又為湘東王妃生晉陵長公主伯奴建安長 明恭王皇后諱貞風琅邪臨沂人也初拜淮陽王妃 動位黄門郎拜竟求司徒司馬得司馬復求

寒乞令共作笑樂何獨不視后曰為樂之事其方自多

養藥左右止之曰若行此事官便作孝子豈得出入狡 段遂能剛正如此奏帝即位尊為皇太后宫曰弘訓 此事語從舅陳郡謝綽曰后在家為傳弱婦人不知 豈有姑姊妹集聚而裸婦人形體以此為樂外舍之為 賜帝王柄毛扇帝姓毛扇不華因此欲加耽害令太醫 帝失徳太后每加弱譬始猶見順後狂思稍甚太后當 歡適與此不同帝大怒令后起后兄揚州刺史景文以 看帝曰汝語大有理乃止順帝即位齊高帝執權宗室

劉晃劉綽卜伯興等有異志太后頗與相關順帝禪 屋兩三間上出行問尉曰御道那得此屋當由家貧 帝殂于丹陽更立第都下建元元年薨于第追加益禁 太后與帝遜于東邸因遷居丹陽宫拜汝陰王太妃 錢三萬令起瓦屋尉自送錢與之家人並行唯太妃在 後廢帝陳太妃諱妙登丹陽建康屠家女也孝武嘗使 以宋禮后父僧朗别有傳 司采訪人間子女有姿色太妃家在建康縣居有草

通志

太妃曰太姬昇明初降為蒼梧王太妃 如晉孝武李太妃故事宫曰弘化置家令一人改諸國 家時年十二三尉見其美即以白孝武於是迎入宫 先是人間言明帝不男故皆呼廢帝為李氏子廢帝後 明帝始有寵一年衰歇以賜李道兒尋又迎還生廢帝 路太后房內經二年再呼不見幸太后因言於上以 同皇太妃廢帝践作有司奏上尊號曰皇太妃與服 行自稱李将軍或自謂李統明帝即位拜貴妃

而后 為蒼 順 太子如而 與太守孫奉伯止獻琴書其外無餘 拜皇太子妃諷朝士州郡皆令獻 父祖並巴亡弟又弱小以卜筮吉故為太子納 公帝江皇后諱 既而原之太子即帝位立為皇后帝既廢降 王妃祖智深自有傳 ·韓法容丹陽建康人也明帝素肥晚年痿 信 上數名家女多不合江氏雖為 **数通二十** 物多者将值 1、物上大 1

欽

定四庫全書

般 進為皇太妃順帝禪位去皇存太妃之號 陰王妃祖莊自有傳 順謝皇后諱梵境陳郡陽夏人右光禄大夫莊之孫 以陳昭華為母明帝崩昭華拜安成王太妃 題車騎功曹昇明二年立為皇后順帝禪位降為 其母而與六宫所爱者養之順帝桂陽王休範子也 能內御諸弟姬人有懷孕者輕取以入宫及生男皆 心順帝即位 رالع

帝宣帝庶生子衙陽元王道度始安貞王道生后生高 家貧少動織作家人於其勞或止之后終不改嫁于宣 宣孝陳皇后諱道止臨淮東陽人魏司徒橋之後也后 帝年二歲乳人乏乳后夢人以兩風麻粥與之覺而乳 驚因此豐足宣帝從任在外后常留家有相者謂后曰 夫人有貴子而不之見后數曰我三子誰當應之呼高 帝小字曰政應是汝耳宣帝殂後后親執勤婢使有過

皆恕而不問高帝雖從宦而家業本貧為建康今時明

帝等冬月猶無維續而奉膳甚厚后每撤去無內曰於 皇帝為起麵餅鴨雅孝皇后薦笋鴨卵脯醬炙白肉高 我過足矣殂于縣舍昇明二年追贈竟陵公國太夫人 高昭劉皇后諱智容廣陵人也祖元之父壽之並員外 皇帝薦肉贈祖羹昭皇后薦若糊炙魚並平生所嗜也 后母胡氏為永昌縣靖君永明九年詔太廟四時祭宣 年追尊孝皇后贈外祖父肇之金紫光禄大夫諡敬侯 齊國建為齊國太妃並密印書青綬祠以太牢建元元

年十七裴方明為子求昏酬許已定后夢見先有迎車 有羽盖陰其上家人試察之常見其上掩藹如似雲氣 壽之曰恨非是男桓笑曰雖女亦足與家矣后寢卧見 孕后當歸寧遇家奉祠爾日陰晦失曉舉家狼狽共告 有軌度造次必依禮法生太子及豫章王嶷太子初在 於常后喜而從之既而與裴氏不成婚竟嬪于上嚴毅 至猶如常家迎法后不肯去次有迎至龍旗豹尾有異

郎后母桓氏夢吞玉勝生后時有紫光湍室以告壽之

豫元年殂歸葬宣帝墓側則泰安陵也門生王清與墓 祭食后助炒胡麻始復內薪未及索火火便自然宋泰 昇明二年贈竟陵公國夫人三年贈齊國妃印經齊建 母桓氏上虞都鄉君 工始下挿有白兔跳起尋之不得及墳成東還栖其上 璣之左軍參軍后少與豫章王妃庾氏為娣如庾氏勤 武移表皇后諱惠昭河東聞喜人也祖封之給事中父 元元年尊諡昭皇后二年贈后父壽之金紫光禄大夫

儉日石誌不出禮起宋元嘉中顏延之為王球石誌 絕恒例既有哀策不煩石誌從之武帝即位追尊皇后 重武帝亦薄馬性剛嚴竟陵王子良妃袁氏布衣時有 族無銘策故以紀行自爾以來共相祖習儲妃之重禮 女工奉事高昭后恭謹不倦后不能及故不為舅始 一子妃二年后薨諡穆妃葬休安陵時議欲立石誌王 后每加訓罰昇明三年為齊世子如建元元年為皇

贈父璣之金紫光禄大夫后母檀氏餘杭廣昌鄉元君

四四

吹二部乾光殿東西頭置鐘磬兩箱皆宴處也上數游 舊顯陽昭陽二殿太后皇后所居也永明中無太后皇 故呼為雞鳴埭婦人吳郡韓蘭英有文解宋孝武時獻 飾車駕數幸琅邪城官人常從早發至湖北埭雞始鳴 置鐘於景陽樓上應五鼓及三鼓宫人開鐘聲早起莊 幸諸苑囿載官人從從車置內深隱不聞端門鼓漏聲 后羊貴嬪居昭陽殿西范貴妃居昭陽殿東寵姬首昭 居鳳華柏殿宫內御所居壽昌畫殿南閣置白鹭鼓

宫置男左右三十人前代所未有也贈后父遊之金紫 十一年為皇太妃太孫鬱林即位尊為皇太后稱宣德 文安王皇后諱寶明琅邪臨沂人也祖韶之吳興太守 為博士教六官書學以其年老多識呼為韓公云 麗衣裳及首飾而后牀惟陳故古舊欽鑷十餘枚永明 年為南郡王如四年為皇太子如無罷太子宫人製新 父啦之太宰祭酒宋世高帝為文惠太子納后建元元

次定日車全書

中興賦被賞入宫宋明帝時用為宫中職僚及武帝以

鬱林王何妃諱婧英盧江灣人撫軍将軍戢女也初将 儉以南郡王妃便為将來外戚唯須高胄不須殭門今 納為南郡王妃文惠太子嫌敢無男門孤不欲與旨王 年梁武帝定建業迎入宫后稱制至禪位遜居外宫梁 廟明帝即位出居都陽王故第以第為宣德官永元三 光禄大夫母桓氏豐安縣君其年十二月備法駕謁太 天監十一年薨葬崇安陵諡曰安后祖韶之自有傳 何氏蔭華族弱實允外戚之義永明三年乃成婚妃禀

女可為婦不可為妄澄曰僕父為給事中門戶既成姨 力南郡王以為歡笑澄者本則縣寒人常於南岸逼略 南郡王侍書人馬澄年少色美甚為后悦常與關脫較 性淫亂南郡王所與無賴人遊妃擇其美者皆與交歡 太孫妃又有女巫子楊珉之亦有美貌妃尤爱悦之 家猶是寒賤政可為妄耳微孚詞而遣之十一年為皇 姨女為妾姨不與澄詣建康今沈綴爭訟之徽孚曰姨 人家女為秣陵縣所録南郡王語縣散遣之澄又逼求

三阿奴瘦去坦之乃曰外間並云楊珉之與皇后有異 於帝曰此事别有一意不可令人聞帝謂皇后為阿 在狀無因墮地其冬與太后同日謁太廟楊珉之為帝 髙昌縣都鄉君所生母宋為餘杭廣昌鄉君后将拜 所幸常居中侍明帝為輔與王晏徐孝嗣王廣之並面 同寢處如仇儷及太孫即帝位為皇后封后嫡母劉為 謂坦之日楊郎好年少無罪過何可枉殺坦之耳 不聽又令蕭諶坦之固請皇后與帝同席坐流涕

萬以武帝曜靈殿處后家屬帝廢后貶為王妃父戰自 康行刑既而果有物原之而珉之已死后既淫亂又 八年納為臨沂公夫人鬱林王即位為新安王妃延興 海陵王王妃諱韶明琅邪臨沂人太常慈之女也永 元年為皇后其年降為海陵王妃妃父慈自有傳 定四庫全書 彰聞邇遐帝不得已乃為物坦之馳報明帝即令 相愛藝故帝恣之又迎后親戚入宫賞賜人百數

東民褚皇后諱令據河南陽翟人太常澄之女也建武 鄉君明帝崩改葬科于興安陵 皇后贈父通直郎景猷為金紫光禄大夫母王氏平陽 為明帝納之建元三年除西昌侯夫人永明七年卒葬 二年納為皇太子如而無龍帝謂左右曰若得如山陰 主無恨矣山陰主明帝長女也後遂與之為亂明年妃 江乗縣張山延興元年贈宣城王妃明帝即位追尊敬

明敬劉皇后諱惠端彭城人光禄大夫道弘孫也高帝

文獻張皇后諱尚柔范陽方城人也父穆之娶文帝

通志

王妃中與元年為皇后帝禪位后降為妃妃祖儉自

王皇后諱舜華琅邪臨沂人太尉儉之孫也初為隨

儀生太子誦而卒東唇廢后及誦並為無人后父澄

后廟東唇即位為皇后帝

龍潘妃后不被遇

自

城里山天監元年五月甲辰追上尊號為皇后諡曰文 宋泰始七年殂於秣陵縣同夏里舍葬晉陵武進縣東 費因取吞之是月生武帝将産之夕后見庭內若有衣 孫報侍者侍者皆云不見后曰 當聞見菖蒲花者當富 陽昭王敷次生武帝方孕忽見庭前菖蒲花光采非常 姑而生后后以元嘉中嬪於文帝生長沙宣武王懿永 冠陪列馬次生衛陽宣王暢義與昭長公主今處后

獻穆之字思静晉司空華六世孫也少方雅有識鑒初

海王師父華太子舍人早卒后母宋文帝女尋陽公主 籍無子從父弟弘策以子續嗣别有傳 病卒子引籍字真藝齊初為鎮西參軍卒於官梁武路 求為交吐太守政有異績宋文帝将以為交州刺史會 武德都皇后諱榝高平金鄉人也祖紹宋國祭酒領 為員外散騎侍郎深被始興王濟引納移之鑒其禍 也方妖夢當生貴子及后生有亦光照室器物甚明 作追贈移之光禄大夫加金章紫綬贈弘籍廷尉卿弘

将納為后齊初安陸王緬又欲結婚都氏並解以女疾 幼明慧善緑書讀史傳女工之事無不問習宋後廢帝 人怪之巫言此女光高将有所妨乃於水濱核除之后欽定四庫至書 图 卷二十 **踐作追崇為皇后諡曰徳陵曰修陵后父降贈金紫光** 山中與二年武帝為深公齊帝贈后為梁公妃及武帝 舍年三十二其年歸葬南徐州南東海武進縣東城里 王婉永康公主玉環及武帝為雍州刺史殂于襄陽官 乃止齊建元末嫡于武帝生永與公主王姚永世公主

為殿衣服委積常置銀鹿盧金瓶灌百味以祀之故帝 見形光彩照灼帝體将不安龍輕激水騰涌於露井 之異紫氣滿室故以光為名相者云當大貴少時與都 禄大夫后酷妬忌及終化為龍入于後官通夢於 女月下紡績諸女並患蚊奶而貴嬪不之覺也鄉人 五女村寓於劉惠明庶下貴嬪生於樊城初産有神光 武丁貴嬪諱令光熊國人也祖父從官襄陽因居污 卒不置后

髴若見神人心獨異之武帝起兵之日昭明太子始 天監元年五月有司奏為貴人未拜其年八月又奏為 相者言聞之於帝帝贈以金環納之時年十四貴嬪 有助者被遇雖嚴益小心祇敬當於供養經案則勢 所在德后酷忌遇貴嬪無道使日春五斛春每中程 有赤誌在左臂療之不滅又體多疣子至是無何並 在将聘之未及成而武帝鎮樊城當登樓以望見漢 五采如龍下有女子學統則貴嬪也又丁氏因人以

鉱

一月庚辰薨移殯於東宮臨雲殿時年四十二詔吏部 戒日甘露降于殿前方一丈五尺帝所立經義皆得其 武帝大引佛教貴嬪奉而行之屏絕滋腴長進疏膳受 指歸尤精净名經所受供賜悉以充法事普通七年

得其數心不好華節器服無珍麗木當為親戚私韵

禮禮貴嬪言則稱令貴嬪性仁恕及居官接取自下皆

青媚位在三夫人之上居 顯陽殿及太子定位有司奏

日禮母以子貴皇儲所生不容無敬於是以皇太子之

文即位追崇日太后貴嬪父道遷天監初為歷陽太守 大赦尋拜為修容賜姓阮氏常隨元帝出蕃大同六年 文宣阮太后諱令贏會稽餘姚人也本姓石初齊始女 **賭狗子世人以為笑後位兖州刺史宣城太守** 即張續為哀冊文有司奏諡曰穆葬寧陵科于小廟簡 **廬陵威王之生武帝謂之曰賢女復育一男答曰莫道** 在孕夢龍罩其牀天監六年八月生元帝于後宫是日 一遙光納馬遙光敗入東昏宫建康城平為武帝采女

文憲公父騫金紫光禄大夫南昌安侯后幼而柔明 父陳見之曰吾家女師也天監十一年拜晉安王妃生 簡文王皇后諱靈賓琅邪臨沂人也祖儉齊太尉南昌 還科小廟承聖二年追贈太后父齊故奉朝請石靈 取騎常侍左衛將軍封武康縣侯母陳氏武康侯夫

寧縣通望山諡曰宣元帝即位有司奏追崇為文宣太

八月薨于江州正寝時年六十七其年十一月歸葬

|一飲定四庫全書 哀太子大器南郡王大連長山公主妙碧大通三年十 忠公父組侍中信武將軍如以天監十六年十二月拜 五其年簡文即位追崇為皇后諡曰簡大寶元年九月 月拜皇太子妃太清三年三月薨于永福省時年四十 湘東王如生世子方等益昌公主含貞妃無容質不見 元帝徐妃諱昭佩東海郯人也祖孝嗣齊太尉枝江文

禮帝三二年一入房如以帝助一目每知帝将至必為

帝歸谷於如及方等死愈見疾太清三年遂逼令自殺 帝左右暨季江有姿容又與黑通季江每數曰栢直狗 房公吐衣中與荆州後堂瑶光寺智遠道人私通酷奶 半面粒以俟帝見則大怒而出妃性嗜酒多湛醉帝還 時有賀徽者美色如要之於普賢尼寺書白角枕為詩 忌見無寵之妾便交杯接坐纔覺有娠者即手加刀刃 相贈答既而貞惠太子方諸母王氏寵愛未幾而終元 雖老猶能獵蕭漂陽馬雖老猶蔽徐娘雖老猶尚多情

聖元年冬拜晉安王國太妃紹泰元年尊為太后明年 敬夏太后會稽人也普通中納于湘東王宫生敬帝承 之日又大雷震西州聽事兩柱俱碎帝以為不祥後果 **无官寺帝制金樓子述其淫行初妃嫁夕車至西州而** 冬降為江陰國太如 **她知不免乃投井死帝以屍還徐氏謂之出妻葬金陵** 疾風大起發屋折木無何雪霰交下惟簾皆白及長還

有傳 少聰慧美容儀手爪長五寸色並紅白每有期功之 氏所養因改姓馬后母蘇當遇道士以小龜遺已光彩 五色曰三年有徵及期后生紫光照室因失龜所在 武宣章皇后諱要兒吳與烏程人本姓鈕父景明為)紹泰元年十月拜皇后明年降為江陰王妃父儉自

主皇后琅邪臨沂人也承聖元年十一月拜晉安

欠包日華全書 湯

葬吳興明年追封后父為廣德縣侯諡曰溫武帝崩后 金章紫綬拜后母蘇安吉縣君二年安吉君卒與后父 則一爪先折武帝先娶同郡錢仲方女早卒後乃聘后 與中書舍人祭景歷定計秘不發丧時衛陽王昌未至 后追贈后父梁散騎侍郎景明特進金紫光禄大夫加 于長城侯景之亂為景所囚及景平武帝踐阼立為皇 帝自廣州南征交阯命后與衡陽王隨文帝由海道歸 后善書計能誦詩及楚辭武帝為長城縣公后拜夫人

卷二十

紫極殿時年六十五其年四月羣臣上諡曰宣科葬 宣帝嗣立大建元年復為皇太后二年三月丙申崩于 后為太皇太后光大二年后下令點廢帝為臨海王命 事祭軍后年十歲餘以梁大同中歸于文帝武帝之 文沈皇后諱妙容吳與武康人也久法深深安南中 安陵后親屬無在朝者唯本族兄鈕治官至中散大夫 钦定四車全書 殿 侯景文帝時在武興及后並被次景平乃獲免武帝

乃召文帝及即位尊后為皇太后宫曰慈訓廢帝即

徳時宣帝與僕射到仲舉舍人劉師知等並受遺輔政 為級安縣君諡曰定廢帝即位尊后為皇太后宫曰安 作后為臨川王妃文帝即位為皇后追贈后父法深光 還東府理州務宣帝將出毛喜止之曰今若出外便受 與左右三百人入居尚書省師知忌宣帝權重為勅令 師知與仲舉恒居禁中參決眾事而宣帝為揚州刺史 禄大夫加金章紫綬封建城縣侯諡曰恭追贈后母髙 制於人如曹爽願作富家公不可得也宣帝乃稱疾召

宦者将裕令誘建安人張安國使據郡及冀因此圖帝 知等為非朕意也喜出報宣帝帝因囚師知自入見后 政事並委二郎此非我意又言於廢帝廢帝曰此自即 與並殺之宣帝即位以后為文皇后陳亡入隋大業初 安國事發被誅時后左右近侍頗知其事后恐連遠黨 夜於獄賜死自是政歸宣帝后憂悶計無所出乃密略 及帝極陳師知之短仍自草敢請畫以師知付廷尉其

たこり自己

通志

師知留與語使毛喜先入言之於后后曰今伯宗年幼

即位立為皇后廢帝為臨海王后廢為処至德中费后 於帝王皇后琅邪臨沂人天嘉元年為皇太子妃發帝 學識官至御史中丞 左僕射欽素無伎能奉己而己卒諡曰成子觀嗣頗有 自長安歸于江南項之卒后兄欽繁爵建城侯位尚書 襲封臨海嗣王陳亡入長安后父固自有傳 生臨海嗣王至澤至澤光大元年為皇太子大建元年

宣柳皇后諱敬言河東解縣人也曾祖世隆祖惲久偃

為安城王妃宣帝即位立為皇后后美姿容身長七尺 宣帝承聖二年后生後主於江陵及魏尅江陵宣帝遷 皆推於貴妃而已御其次馬宣帝崩始與王叔陵為亂 拜為貴妃甚有寵后傾心下之每尚方供奉物其上者 二寸手垂過膝初宣帝居鄉里先娶吳興錢氏及即位 助在江陵依梁元帝帝以長城公主故待遇甚厚以配 並有傳后九歲幹理家事有若成人侯景之亂后與弟 臣日車全書 一 于關右后與後主俱留穰城天嘉二年與後主還朝后

于洛陽之芒山 遺陳亡入長安隋大業十二年薨于東都年八十三葬 官曰弘範是時新失淮南地隋師臨江又國遭大喪後 後主沈皇后諱葵華吳與武康人儀同三司蔡侯君理 主患創不能聽政其誅权陵供大行喪事邊境防守及 百司衆務雖假後主之教實皆決之于后後主創愈乃 政馬后性謙謹未嘗以宗族為請雖衣食亦無所分

後主賴后與吳煴敗而獲免後主即位尊后為皇太后

尚幼而毀齊過甚及服軍每歲時常獨坐涕泣哀動左 一經百許人唯尋閱圖史及釋典為事當遇歲早自暴而 然未嘗有所忌怨而居處儉約無錦繡之飾左右近侍 前禮後主遇后既薄而張貴如有寵總後宫之政后 澹 為皇后后性端静有識量寡嗜慾聰敏殭記涉獵經史 右內外敬具馬太建三年拜為皇太子妃後主即位立 之女也君理自有傳母即武帝女會稽穆公主早亡后 工書翰後主在東宫而后父君理卒居憂處別殿京毁

通志

音貞觀初卒張貴妃名麗華兵家女也家貧又兄以織 還鄉里不知所終或言過江於毗陵天静寺為尼名觀 年十歲為之給使後主見而悦之因得幸遂有妖生太 席為業後主為太子以選人官時襲貴嬪為良婦貴妃 幸常令從駕及煬帝為宇文化及所害后自廣陵過江 爭後主將廢之而立張貴妃會國亡不果乃與後主俱 誦佛經應時雨降無子養孫姬子允為巳子數上書諫 入長安及後主费后自為哀解文甚酸切隋煬帝每巡 卷二十

貴妃薦諸宫女預馬後宫成德之競言其善由是爱傾 臣侍中鄭國公魏徵考覽記書參詳故老云後主初 必先知之以白後主後主由此益重之故內外宗族多 聚諸女巫使之鼓舞因參訪外事人間有一言一事妃 後宫又工厭魅之術假思道以感後主置注祀於宫中 主俱入于井隋軍出之晉王廣命斬妃於青溪中橋史 子深後主即位拜為貴妃甚被寵遇後主與實客游 引用大臣報政亦從風而靡及隋軍克臺城如與後

定四車全書

文並數十間其總牖壁帶懸楣欄檻之類並以沈檀香 三年乃於光昭殿前起臨春結綺望仙三閣閣高數十 帳其服玩之屬瑰竒珍麗皆近古未有每微風暫至香 **木為之又飾以金玉間以珠翠外施珠蘆內有寶粉寶** 之正殿也沈皇后素無龍不得侍疾别居求賢殿至徳 不得進唯張貴妃侍馬而柳太后猶居柏 以始興王权陵之亂被傷卧于承香閣下時諸姬並 數里朝日初照光映後庭其下積石為山引水為池 深殿即皇后

學士與狎客共賦新詩互相贈答採其尤豔麗者以為 學士後主每引寫客對賣妃等遊宴則使諸貴人及女 問襲孔二貴嬪居望仙問並複道交相往來又有王季 植以奇樹雜以花蘇後主自居臨春閣張貴妃居結綺 有寵遞代以遊其上以宫人有文學者袁大拾等為女 二美人張薛二叔媛袁昭儀何使行江脩容等七人並 調被以新聲選官女有容色者以千百數令習而歌

之分部选進持以相樂其曲有玉樹後庭花臨春樂等

通志

至

鑒特聰慧有神彩進止開雅容色端麗每瞻視眄睞光 其略曰壁月夜夜滿瓊枝朝朝新大指所歸皆美張貴 隱囊置張貴妃於滕上共決之李蔡所不能記者貴妃 彩溢目照映左右當於閣上親雅臨于軒檻宫中遙望 並為疏條無所遺脱由是益加寵異後庭之家不遵法 政事百司放奏並因官者蔡脫兒李善度進請後主倚 飄若神仙又才辯彊記善候人主顏色是時後主怠於 她孔貴嬪之容色張貴妃髮長七尺髮黑如涤其光可

矣魏氏王業之兆雖基於神元而其時朝章國典百不 自典午氏南遷下速宋齊梁陳六宫制度前史言之審 轉相引進賄賂公行賞罰無常綱紀瞀亂矣 聽於是張孔之權薰灼四方間宦便佞之徒內外交結 一具故自昭成以前未有及内職之事章平思昭穆惠 後魏

钦定四車全書 天

通志

事而後從容為言之大臣有不從者因而踏之言無不

度有結於理者但求恩於貴妃貴妃則令李蔡先啟其

定內官左右的儀位視大司馬三夫人視三公三嬪視 武統萬國家殷盛稍增左右昭儀及貴人椒房等自是 夫人其員數多寡悉無準限然粗有品秩可以銓次太 皆從帝諡為皇后爰立中宫以配宸極中宫而下或稱 場烈傳禪八君如后無聞馬及道武建國始追尊祖妣 之思並極尊崇之義雖事乖典禮而觀過知仁孝文改 人以成者為吉不則不得立也又太武文成保母的劳 後庭漸已充實矣又魏世故事将立皇后必令手鑄金

如公主文襄既尚魏朝公主故無别號兩官自餘姬侍 品青衣女酒女饗女食奚宫女奴視五品及齊神武文 官視三品中才人供人中使女生才人恭信宫人視四 品監女尚書美人女史女賢人女書史書女小書女五 三卿六嬪視六卿世婦視中大夫御女視元士後置 襄俱未践尊極神武嫡妻稱如其所聘茹如女稱為如 職以典內司視尚書令僕作司太監女侍中三官視二 稱娘而已文宣後庭雖有夫人嬪御之稱然未具員

AT DE TOTAL DE LES

婦依古制有三夫人九嬪二十七世婦八十一御女又 母桑氏有德行並家恩禮其餘無所述河清新令內命 弘猷茂光明信静訓曜徳廣訓暉範敬訓芳猷婉華明 一睡宣明順華凝華光訓為下嬪比六卿正華令則修 曜儀明淑芳華敬婉昭華光正昭寧貞範弘徽和德 漢制置的儀有左右二人比丞相其弘徳正德崇德 孝昭內職甚少唯楊嬪才貌無美復是貴家襄城王 三夫人比三公光猷的訓隆徽為上嬪比三卿宣徽

慎明監移容修範肅容茂儀英淑弘監正信凝婉英範 範德暉章敬茂静肅章穆華慎儀妙儀明懿崇明麗則 貞懿曜光貞凝光範令儀內範移置婉德明婉監婉妙 修敬承開昭容麗儀開華思柔媛光懷德良媛淑猗茂 婉儀彭修開修静弘明慎豔光衙容徽淑秀儀芳婉貞 定四庫全書 昭慎貞媛肅置敬順柔華昭順敬寧明訓弘儀崇敬 順修媛良則瑶章訓成潤儀寧訓淑懿柔則移儀修

範豔儀暉則敬信為二十七世婦比從三品穆光茂德

欽

氏率由 武成好內並具其員自外又置才人来女以為散號 範良信點華徽城肅儀妙則為八十 滿采擇無厭恩之所加莫限厮卓紫之所及無隔 歷節情欲於矯枉宫聞有貫魚之美戚里無 丞 可謂得君人之體也宣皇外行其志內逞其欲溪 既立二后 相 降 姬制 昭儀比二大夫尋又置淑 昭儀以下皆倍其數又置左 内職有序文帝創基修在 妃一人儿 一御女 席以儉 右 城英比 《約武皇 私 相 四 漪 國 後 險 周 左

員掌女功終条視正七品又采漢晉舊儀置六尚六司 實多文帝之祀忽諸特由於此隋文思革前弊大矯其 荒淫趙李之傾感曾未足比其髣髴也人厭 的政弊事 設於是升蘭殿以正位践椒庭而齊體者非一人馬階 著內官之式略依周禮省減其數嬪三員掌教四德視 達唯后當室傍無私寵婦官位號未詳備馬開皇二年 房惟而拖青紫緣恩幸而擁玉帛非一族馬雖辛癸之 正三品世婦九員掌賓客祭祀視正五品女御三十八

掌音律之事典赞三人掌導引內外命婦朝見三曰尚 三人掌琛璽器玩二曰尚儀掌禮儀教學管司樂三人 六典遞相統攝以掌宫被之政一曰尚宫掌導引皇后 飲定四庫全書 卜筮典器三人掌鐏蠡器皿五曰尚寢掌帷帳牀褥管 服掌服章寶藏管司飾三人掌簪珥花嚴典櫛三人掌 巾櫛膏沐四曰尚食掌進膳先當管司醫三人掌方藥 及閨問禀賜管司令三人掌圖籍法式糾察宣奏典琮

司筵三人掌鋪設灑埽典執三人掌扇傘燈燭六曰尚

流外二品初文獻皇后功參歷武外預朝政內擅宫 財帛出入六尚各三員視從九品六司視勲品六典 工掌管造百役管司製三人掌衣服裁縫典會三人掌

后

妃嬪御無釐婦職唯端容麗飾陪從宴遊而已帝又

置貴人三員增嬪至九員世婦二十七員御女八十

下置六十員加又柳損服章降其品秩至文獻崩後

嫉妬之心虚嬪妾之位不設三妃防

其上逼自嬪

員品正第五御女二十四員品正第六采女三十七員 美人才人一十五員品正第四是為世婦寶林二十四 容充華是為九嬪品正第二使行一十二員品正第三 參詳典故自製嘉名著之於令贵妃叔妃德妃是為三 女官准尚書省以六局管二十四司一曰尚官局管司 衣刀人皆趨侍左右並無員數視六品以下時又增置 品正第七是為女御總一百二十以敘於宴寢又有承 夫人品正第一順儀順容順華修儀修容修華充儀充 飲定四庫全書 卷二十

鎮柴炭五日尚寢局管司設掌床席帷帳鋪設灑掃司 掌膳羞司醖掌酒醴醯醢司藥掌醫巫藥劑司饎掌原 湯沐巾櫛玩弄司仗掌仗衛戎器四曰尚食局管司膳 開掌門問管衛二曰尚儀局管司籍掌經史教學紙筆 言掌宣傳奏故司簿掌名録計度司正掌格式推罰司 與掌與董軍局執持羽儀司苑掌園藥種植蔬菜瓜果 几案司樂掌音律司賓掌賓客司赞掌禮儀赞相導引 三白尚服局管司璽掌琮璽符節司衣掌衣服司飾掌

通志

神元皇后實氏沒鹿回部大人賓之女也賓臨終誠其 司存馬 外量局開劇多者十人以下無定員數聯事分職各有 典二十八人品從第七掌二十八人品從第九女史流 司員各二人唯司樂司膳員各四人每司又置典及掌 金玉珠璣錢貨司綵掌繒帛司織掌織染六尚二十 以貳其職六尚十人品從第五司二十八人品從第六 司燈掌火燭六曰尚工局管司製掌管造裁縫司寶堂

欽

定四庫全書 三

二子速侯回題令善事帝及賓卒速侯等欲因帝會丧 餘萬有司以聞命藏之太廟次妃蕭氏是生思帝 文帝皇后封氏生桓穆二帝早崩桓帝立乃葬馬文成 為變語泄帝聞之晨起以佩刀殺后馳使告速侯等言 桓皇后惟氏生三子長曰普根次惠帝次煬帝平文崩 初穿天泉池獲一石銘稱祖帝葬母氏遠近赴會二十 后暴崩速侯等來赴因執殺之 后攝國事時人謂之日女國后性猛思平文之崩后所 通志

為也 平文皇后王氏廣寗人也年十三因事入宫得幸於平

新定四庫全書 |

巻二十

文生的成帝平文崩陷成在襁褓時國有內難將害帝 不啼得免於難昭成初欲定都於灅源川築城郭起宫 后匿帝於榜中咒曰若天祚未終者汝無聲遂良久

室議不決后聞之曰國自上世遷徙為業令事難之後

崩國祚殆危興復大業后之力也崩葬雲中金陵道武 基業未固若郭而居一旦寇來難卒遷動乃止烈帝之

之曰汝還必深防衛辰辰姦猾終當滅汝悉勿祈 **昭成皇后慕容氏慕容皝之女也初帝納** 内每事多從 后 至有龍生獻明帝及秦明王后性聰敏多智專夕 果為衛辰 而崩皝復請繼好遣大人長孫 配饗太廟 所 初昭成遣衛 殺卒如后言建國二十三年崩道武 辰兄悉勿祈還部落也 秩逆后皝送于境 皝妹為妃 至 后

位配饗太廟

宫生道武符洛之内侮也后與道武及故臣吏避難 欽 帝帝始為顯弟亢星妻知之密以告后梁眷亦來告 后乃令帝去之后夜飲顯醉向晨故驚廐中羣馬使起 不傾行百餘里至七个山南而免難後劉顯使人將 曰國家九胄豈正爾絕滅也惟神靈扶助遂馳輪 俄而高車來抄掠后乘車避賊而南中路失道乃仰 明皇后賀氏東部大人野干女也少以容儀選入東 定四庫全書 害

視馬后泣謂曰吾諸子始皆在此令盡亡矣汝等誰

從弟外朝大人悅舉部隨從供奉盡禮顯怒將害后 奔亢盜家匿神車三日亢盜舉室請救乃得免會劉 後追加 尊諡 染干慙而去後后少子秦王觚使于熊慕容垂止之 行宫后出謂染干日汝等今安所置我而欲殺吾子 亂始得亡歸後后弟孫干忌道武之得人心舉兵 (顯使不急追道武得至賀蘭部羣情未甚歸附 不及憂念寢疾皇始元年崩科葬于盛樂金陵 **咖配饗馬** 通志 六十九 后

成故不登后位魏故事後官產子將為儲貳其母皆賜 陰公主後生明元后專理內事罷待有加以鑄金人 道武宣穆皇后劉氏劉眷女也登國初納為夫人生華 道武皇后慕容氏寶之季女也中山平入充掖庭得 乃立之封后母孟為溧陽君後崩 死道武末年后以舊法薨明元即位追尊臨位配饗太 左丞相衛王儀等奏請立皇后帝從儀令后鑄金人 定四庫全書 自此後官人為帝母皆正配饗馬

歃

贈皇后璽綬而加諡馬葬雲中金陵 饗太廟又立廟于鄴刺史四時薦祀以魏郡太后所生 恒五年薨贈貴嬪葬雲中金陵太武即位追尊號諡 家子選入太子宫有寵生太武及明元即位拜貴嬪泰 明元密皇后杜氏魏郡鄴人陽平王超之妹也初以良 之後為夫人后以鑄金人不成未升尊位然帝 后是後猶欲正位后誰不當泰恒五年薨帝追恨之 元昭哀皇后姚氏姚與女西平長公主也明元以 **釐内外甚有聲稱性恬素寡欲喜怒不形於色好揚人** 問表修后廟的日婦人外成理無獨祀陰必配陽以成 之邑復其調役後甘露降于廟庭文成時相州刺史高 欽定四庫全書 生及即位尊為皇太后封其弟漏頭為遼東王太后 之至感非經世之遠制便可罷祀先是太武保母實氏 天地未聞有華之國立太姒之饗此乃先皇所立一時 元命為太武保母性仁慈帝感其恩訓奉養不異 以夫家坐事誅與二女俱入宫操行統備進退以禮 訓

之善隱人之過帝征涼州蠕蠕入寇太后命諸將擊 上可以終託吾葬馬別立后寢廟於崞山建碑頌德 賤鬼然於先朝本無位次不可違禮以從園陵此山之 左右曰吾母養帝躬敬神而愛人若死而不滅必不 **護喪事諡曰惠葬崞山從后意也初后當登崞山廟** 之太平真君元年崩詔天下大臨三日太保盧魯元監 太武皇后赫連氏屈丐女也太武平統萬納后及二妹 為貴人後立為皇后文成初崩稍葬金陵

景穆恭皇后郁久問氏河東王毗妹也少以才選入東 愿元年 先追贈貴嬪葬雲中金陵後追號尊諡配饗太 一 一 一 一 一 一 一 一 太武敬哀皇后賀氏代人也初為夫人生景穆皇帝神

官有寵生文成皇帝而薨文成即位追尊號諡葬雲中

金陵配饗太廟又文成乳母本遼西人因事入宫乳帝

告於郊廟和平元年崩詔天下大臨三日諡曰昭葬於

有劬勞保護之功文成即位尊為保太后尋為皇太后

事别立寢廟置守陵二百家樹碑頌德 教訓年十四文成踐極以選為貴人後立為皇后文成 廣審磨并山俗謂之雞鳴山太后遗志也依惠太后 文成文明馬皇后長樂信都人也父朗秦雅二州刺 西城郡公母樂浪王氏后生於長安有神光之異朗 臣謹按以乳母而為皇太后行郊廟禮神其聽之乎 誅后遂入官太武左昭儀后之站也雅有母德撫養 稱崩而使天下臨之人其哀之乎

十三居于諒闇太后密定大計誅 及中宫皆號泣而臨之后悲叫自投火中左右救之 后為之也承明元年尊曰太皇太后 聰達自入官被粗學書計及登尊極省決萬機孝文 生太后躬親撫養是後罷令不聽 刀蘇獻文即位尊為皇太后丞相乙渾謀逆獻文 寵李奕獻文因事誅之太后不得意獻文暴崩時 故事國有大喪三日之後御 服器物一 渾遂臨朝 政事太后行 心復臨朝 以焼焚百 聴 聽政 政及 不正 官 吉

飲定四庫全書

有 太后性儉素不好華飾躬御縵網而已宰人上膳業 袝 五年起 富於春秋乃作勘戒歌三百餘章又作皇話十八篇 終馬之志因謂羣臣曰舜葬蒼梧二妃不從豈必 諸輪鳥傷生之類宜放之山林 司管建壽陵於方山又起永固石室將為清廟馬 山陵然後為貴哉吾百歳之後神其安此孝文乃 太后立報德佛寺太后與孝文遊於方山顧 作八年而成刊石立碑頌太后功德 乃罷鷹師曹以其 后 詔

通志

宰人唇而進粥有蝘蜓在馬后舉七得之帝時侍側 歲中而至王公王叡出入卧內數年之間便為宰輔賞 賢千萬億計金書鐵券許以不死之詔李沖以器能 受 大事生殺賞罰決於俄項多有不關帝者是以威福 震動內外故把道德王遇張祐将承祖等族自微 欲參決事無巨細一禀於太后太后多智猜忌能行 殛 罰太后笑而釋之自太后 滋味十分減八太后當以體不安服養問 臨朝專政帝雅性孝謹 兼

欽

定四庫全書

憾尋亦待之如初或因此更加富贵是以人人懷 至死而不思退太后曾與孝文幸靈泉池宴羣臣 亦由見龍 國使人諸方渠即各令為其方舞帝上壽太后 歌帝亦和歌遂命羣臣各言其志於是和歌者凡 一后外禮人望元丕游明根等頒賜金帛與馬 縱左右纖介之愆動加捶楚然性 :幄密加賞資不可勝數太后性嚴 私又自以過失

飲定四庫全書 日有雄 議已小有疑忌便見誅戮迄后之崩孝文不知所生至 多枉濫天下宽之十四年崩於太和殿時年四十九 遷洛邑乃自表瀍西以為山園之所而方山虚宫號曰 太皇太后葬於永固陵帝毀齊絕酒肉不內御者三年 如李訢李惠之徒精嫌覆滅者十餘家死者数百人率 乃於永固陵東北里餘營壽宫遂有終馬瞻望之志及 雉集于太華殿帝勺飲不入口五日諡曰文

|具條記在南兄弟及引所結宗兄洪之悉以付託臨 樓望見美之乃下臺后得幸於齊庫中遂有城常太 之生也有異於常父方叔恒言此女當大貴及長資質 後問后知之時守庫者亦私書於壁記之别加驗問旨 美麗太武南征命永昌王仁出壽春軍至后宅因得 同及生獻文拜貴人太安二年太后今依故事令 -鎮長安遇事誅后與其家人送平城宫高祖登 后

文成元皇后李氏梁國紫縣人母頓丘王峻之妹

饗太廟 |飲定四庫全書 稱兄弟拊骨慟哭遂费後諡曰元皇后葬金陵配

皇興三年薨葬金陵承明元年追崇號諡配饗太廟 淑年十八以選入東宫獻文即位為夫人生孝文帝 文思皇后李氏中山安喜人南郡王惠之女也姿德

弟告死勝無子有二女入掖庭后容色美麗得幸

貞皇后葬金陵及恂以罪賜死有司奏追察后為庶 孝文生皇子恂以恂将為儲貳太和七年后依舊制 孝文從之立后為皇后恩遇甚厚孝文後重引后姊 孝文於皇后馮氏太師熙之女也太和十七年孝文 帝仁恕不欲襲前事而禀文明太后意故不果行諡 至洛稍有龍后禮愛漸哀昭儀自以年長且前入宫 尉元丕等表以長秋未建六宫無主請正內

掖素見待念輕后而不率妄禮后雖性不妬忌時有

孝文幽皇后亦馬熙女母曰常氏本微賤得幸於熙熙 為尼帝猶留意馬歲餘而太后崩帝服終頗存訪之 謹有德操遂為練行尼後終於瑶光佛寺 聞后素疹痊除遣閥官雙三念璽書勞問之遂迎赴洛 恨之色胎儀規為內主諮構百端尋廢后為庶人后貞 一早卒后有姿媚偏見愛幸未幾疾病太后乃遣還家 元妃公主薨後遂主家事生后與北平公夙文明太皇 紀欲家世貴竈乃簡熙二女俱入掖庭時年十四其

儀後立為皇后帝頻歲南征后遂與中官高菩薩私亂 餘人乗輕車冒霖雨赴懸瓠奉謁孝文自陳本意因言 心腹是時彭城公主宋王劉昶子婦也年少嫠居北 及帝在汝南不豫后便公然醜恣中常侍雙家等為 后與菩薩亂狀帝聞因駭愕未之信而秘匿之此後后 夙后之同母弟也后来婚於孝文孝文許之公主! 后欲疆之婚有日矣公主密與侍婢及僮從十

陽宮及至寵愛過本初當夕宫人稀復進見拜為左

之后乞屏左右有所密状孝文勅中常侍悉出唯令長 即含温室夜引后并列菩薩等於户外后陷入令搜衣 如文明太后輔少主稱命者賞報不貴又取三牲宫中 漸憂懼與母常氏求託女巫禱厭孝文疾不起一旦得 大餘孝文令菩薩等陳狀又讓后曰汝有我術可具言 稱有寸刃便斬后頓首泣謝乃賜坐東楹去御筵二 相報答帝至洛執問菩薩雙蒙等具得情狀帝以疾 假言祈福專為左道母常或自指宫中或遣侍

堅塞整耳自小語再三呼整無所應乃今后言事隱 莫知之孝文乃唤彭城北海二王令入坐言昔是汝 窮問本末勿有所難又云馮家女不能復相察逐且使 今便他人但入勿避又曰此老嫗欲白刃挿我肋上可 素至孝猶以文明太后故未行廢二王出乃賜后辭 在宫中空坐有心乃能自死汝等勿謂吾猶有情也 拜稽首涕泣及入宫後帝命中官有問於后后罵

通志

卿白整在側取衛直刀拄之后猶不言孝文乃以

崩梓宫達魯陽乃行遗詔命北海王詳奉宣遗旨長秋 之事帝疾甚謂彭城王勰曰後宫久垂陰德自絕於天 此是諸王輩殺我耳整等執持疆之乃含椒而盡梓宫 吾死後可賜自盡别官葬以后禮庶掩馬門之大過帝 與后狀常植之百餘乃止帝尋南伐后留京師雖以 卿白整等入授后藥后走呼不肯引決曰官豈有此也 日我天子婦當面對豈今汝傳也帝怒勅后母常入示 失寵而夫人嬪妾奉之如法唯令太子在東宫無朝

孝文文昭皇后高氏司徒公肇之妹也父殿母盖氏凡 愈中照之灼灼而熱后東西避之光猶斜照不已如 之入掖庭時年十三初后幼曾夢在堂內立而日光 鎮表后德色婉艷及至文明太后親幸北部曹見后 四男三女皆生於東裔孝文初乃舉室西歸近龍城 亦當作計去之豈可今失行婦人宰制天下殺我輩也 次洛南咸陽王禧等知審死相視曰若無遺詔我兄 日幽皇后葬長陵坐内

數夕怪之以白其父愚愚以問遼東人閔宗宗曰此奇 帝命誕育人君之象也後生宣武及廣平王懷樂安公 貴人孝文從之宣武践作追尊配餐后先葬在長陵 馬昭儀寵盛密有母養帝心后自代如洛陽暴患於 也昔有夢日入懷猶生天子况日照之徵此女將 后宫親視櫛沐母道隆備其後有司請加尊蓝曰文 郡之共縣或云昭儀所賊也宣武之為皇太子二日 幽后后拊念慈爱有加孝文出征宣武入朝公

宣武順皇后于氏太尉烈弟勁之女也宣武始親政事 寧陵數文於梓宫上獲大蛇長大餘黑色頭有王字蟄 有容德帝乃迎入為貴人時年十四甚見寵爱立為皇 時為領軍總心膂之任以嬪御未備左右諷諭 不動靈觀既遷還置蛇舊處 帝時更上尊號太后以同漢晉之典正姑婦之禮 如舊文昭遷靈觀於長陵兆內西北六十步

南陵制果狹乃改營山陵號終寧陵置邑戶五百家

大足日事 全書

宣武皇后高氏文昭皇后弟優之女也宣武納為貴嬪 諡曰順皇后 宫禁事秘莫能知悉者世議歸咎于高夫人葬永泰陵 后后静默宽容性不妬忌生皇子三歲天沒其後暴崩

為尼居瑶光寺非大節慶不入宫中建德公主始五六 如忌官人希得進御及明帝即位上尊號曰皇太后尋 生皇子早天又生建德公主後拜為皇后甚見禮重性

歲靈太后出覲母武邑君時天文有變靈太后欲以當

孝文幽后之寵也欲專其愛後宫接御多見阻過孝之 宣武靈皇后胡氏安定臨涇人司徒國珍女也母皇甫 時言于近臣稱婦人好防雖王者亦不能免况士庶 宣武高后悍忌嬪御有至帝崩不蒙待接者由是在 二十餘年皇子全者唯明帝而已 氏産后之日亦光四照京兆山北縣有趙胡者善於 國珍問之胡云賢女有大貴之表當為天下母生勿

是夜暴崩天下兔之丧還瑶光佛寺殯皆以尼禮

定日華丘書

生太子唯后 子自以春秋長矣深加慎謹為擇乳保皆取良家宜子 過三人知也后姑為尼頗能講道宣武初入講禁中 左右言后有姿行帝聞之乃召入掖庭為充華世婦 庭之中以 及明帝在孕同列猶以故事相恐勸為他計后故意 幽夜獨誓云但使所生是男次第當長子子生身 不辭也既誕明帝進為充華嬪先是宣武頻丧皇 獨曰豈畏一身之死而令皇家不育家嫡 國舊制相與祈祝皆願生諸王公主不

事後改令稱 尊為皇太妃尋尊為太后臨朝聽政猶日殿下下令 祭祀禮官博議以為不可而 事太后大悦遂攝行初祀太后性聰悟多才 者養於別官皇后及充華皆不得無視馬及明帝踐 沖幼未堪親祭欲依周禮夫人與君交獻之義代 行事重問侍中准光光便據漢和熹鄧太后薦祭 韶羣臣上書曰陛下自稱曰朕太后以 太后 欲以韓慢自郭觀 藝略通

大義親覽萬機手筆衙決幸西林園法流堂命侍臣

今王公以下賦四言詩太后詩曰化光造物含氣貞明 從宮西北入自千秋門以納宽訟又親策孝秀州郡 父薨百察表請公除太后不許尋幸永寧寺觀建利於 差先是太后勅造申訟車時御馬出自雲龍大司馬門 九級之基僧尼士女赴者數萬人及改葬文昭高后太 帝詩曰恭己無為上賴慈英王公以下賜帛有差太后 於朝堂太后與明帝幸華林園宴羣臣於都亭曲水 不能者罰之又自射針孔中之大悦賜左右布帛有

定四庫全書

嬪主從者百餘人皆令任力員布絹即以賜之陳留 李崇章武王融並以所員過多顛仆於地語在李崇傳 事還哭於太極殿至於記事皆自主馬後幸左藏王 又幸嵩高山夫人九嬪公主以下從者數百人升 清河王懌淫亂肆情為天下所惡領軍元义長秋 山自射象牙簪一發中之初示文武時太后得志 **發諸淫祀特敬天神不在其例尋幸闕口温水登** 頂

后不欲今明帝主事乃自為丧主出至終寧陵親尊

劉騰等奉明帝於顯陽殿幽太后於北宫於禁中殺 死胡氏多免點後明帝朝太后於西林園宴文武侍人謀殺义復奉太后臨朝事不克僧敬坐徒邊車深 殿言母子不相聚久今暮欲共一宿羣臣不可左衛 後太后從子都統僧敬與備身左右張車渠等數 至日夕义乃起至太后前自陳外云太后欲害已及 太后答云無此語遂至于極昏太后欲攜帝宿宣光 **吳康生曰至尊陛下之兒隨陛下可也太后自起**

安陛下宜親安慰太后適下殿祭即扶帝出東序前 又寬怠太后與明帝及高 陽殿還閉太后於宣光殿义遂殺康生後劉騰 殺义為义所執光禄勲賈粲给太后曰侍官懷恐 刀斫之乃得定帝既升宣光殿康生乗酒勢將出 堂去帝前入問左右競相 赦 嚴汙亂宫被勢 傾海內李神軌徐紀等並 改元自是朝 陽王雅為計解义領軍太 政疏緩威恩不立天下牧 排 問不得閉康生奪

一 飲定四庫全書 怒自是不召僧敬内為朋黨防蔽耳目明帝所親幸者 族遂泣涕諫曰陛下母儀海內豈宜輕脱如此太后 此矣太后自以失德懼為宗室所嫌僧敬又因聚集 賞募贼又於禁中殺領左右鴻臚少卿谷會紹達並帝 于朝為天下所穢文武解體所在亂逆土崩魚爛由於 后處其傳致消息三月三日於城南大卷中殺之方懸 太后多以事害馬有密多道人能胡語帝置於左右 一親侍一二年中位總禁要手握王爵輕重在心宣淫 宗

7荣多所陳說崇拂衣而起太后 君遂立臨洮王子釗為帝年始二三歲於是朝 也母子之間嫌除屢起鄭儼慮禍乃與太后計 爾朱崇稱兵渡河太后盡召明帝六宫皆令入道 一生女太 日見人心已安始言潘嬪本實生女今宜更 自落髮榮遣騎拘送太后 毒其年二月 后 かり 許以為男便大赦為武泰元 明帝暴崩乃奉潘 及幼主並 及 幼 主於 嫡女言太子 河陰

盏 陵崔孝芬范陽盧道約隴西李瓒等女俱為世婦人有 氏后及嬪御並無過寵太后為帝選納押屈人流時博 欲榮重門族故立為皇后明帝頗在酒德專嬖充華 日靈 妹馬翊君收塞於雙靈寺孝武時始葬以后禮而追 訟咸見忿責武泰初后既入道遂居於瑶光寺 明皇后胡氏靈太后從兄冀州刺史盛之女靈太 后

孝武皇后高氏齊神武之長女也帝見立乃納為后及

文帝文皇后乙弗氏洛陽人也其先世為旺谷渾渠師 帝西幸關中降為彭城王韶妃

居青海號青海王涼州平后之高祖莫瓌擁部落入附

之第四女也后美容儀少言笑年十六文帝納為妃 為王妃父瑗儀同三司兖州刺史母淮陽長公主孝文 拜定州刺史封西平公自莫瓌後三世尚公主女乃多

生男女十二人多夭折唯太子及武都王戊存馬時新 猜忌復徙后居秦州依子秦州刺史武都王帝雖限大 此役帝曰豈有百萬之衆為一女子舉也雖然致此物 知者六年春蠕蠕舉國度河頗有言屬為悼后之故與 計恩好不忘後密令養髮有追還之意然事秘禁外無 之於是更納悼后命后遜居別官出家為尼悼后猶懷 朕亦何顏以見將的邪乃遣中常侍曹雅實手動令 關中務欲東討蠕蠕寇邊未追北伐故帝結婚以無

寧死無恨也因命武都王前與之決遺語皇太子辭皆 歲後欲令后配饗公卿乃議追諡曰文皇后科於太 中頃之一減一出後號寂陵及文帝山陵畢手書云萬 十一鑿麥積崖為龕而葬神柩將入有二叢雲先入龕 悽愴因慟哭久之侍御莫能仰視召僧設供令侍婢數 十人出家手為落髮事畢乃入室引被自覆而崩年三 后自盡后奉勅揮淚謂寵曰願至尊享千萬歲天下康 **廢帝時合葬於永陵**

欠足习事会書

通志

笔

幕户席一皆東向車七百乗馬萬匹馳千頭到黑鹽 結婚扶風王孚受使奉迎蠕蠕俗以東為貴后之來答 文帝悼皇后郁久間氏蠕蠕主阿那瓌之長女也容貌 華殿聞上有狗吠聲心甚惡之又見婦人盛飾來至后 至京師立為皇后時年十四六年后懷孕將產居於瑶 蠕蠕女也魏仗向南我自東面写無以辭四年正月 朝鹵薄文物始至孚奏請正南面后曰我未見魏 夙有神智大統初蠕蠕屢犯北邊文帝乃與約通好

陵當會横橋北后梓宫先至鹿死帝輼輬後來將就次 為皇后志操明秀帝深重之專龍後官不置嬪御帝 每見此女良慰人意廢帝之為太子納為妃及即位立 室芬氲久之幼有風神好陳列女圖置之左右周文曰 后之靈產記而崩年十六葬於少陵原十七年合葬 察帝皇后宇文氏周文帝女也后初産之日有雲氣滿 后謂左右此為何人醫巫傍侍悉無見者時以為

竟無益 恭帝皇后若干氏司空長樂正公惠之女也有容色恭 空襄城王祖等奉韶致禮以后駕迎於晉陽之丞相第 五月立為皇后大赦齊受禪降為中山王妃後降于尚 為皇后神武前後固辭帝不許與和初記司徒孫騰司 孝靜皇后高氏齊神武之第二女也天平四年記聘以 帝納之為妃及即位立為皇后後出家為尼在佛寺费 察崩后亦以忠於魏室罹禍

定匹庫全書

書左僕射楊遵彦 明皇后婁氏諱昭君贈司徒內干之女也少明悟

后當參預之及拜勃海王妃閩闡之事悉決馬后高 多聘之並不肯行及見神武城上執役驚日此真吾 許馬神武既有澄清之志傾產以結英豪密謀松 也乃使婢通意又數致私財使以聘己父母不得 眀

嚴斷推遵儉約往來外舍侍從不過十人性寬厚不如

定四車全書一

之神武愧而拜謝馬曰彼將有覺願絕勿顧慈爱諸子 失景亦有何利乃止神武逼於蠕然娶其女而未決 取黑獺神武悦以告后后曰若如其言豈有還理得 聞之嗟嘆良久沙苑敗後侯景屢言請精騎二萬必能 大兵何得以我故輕離軍幕死生命也來復何為神武 神武姬侍成加恩待神武當將西討出師后夜鬱 日國家大計願不疑也及蠕蠕公主至后避正室處 一女左右以危急請追告神武后弗聽曰王出統

不異己出躬自紡績人賜一袍一袴手縫戎服以帥 魏禪后責之云汝父如龍汝兄如虎皆以帝王之重不 材當用義不以私亂公文襄嗣位進為太妃文宣將受 右弟昭以功名自達其餘親屬未當為請爵位每言有 之帝所以中止天保初尊為皇太后宫曰宣訓濟南即 敢妄據云何一朝欲輕行舜禹之事彼是何人汝欲擬 位尊為太皇太后尚書楊愔等受遺韶輔政疎忌諸王

太皇太后密與孝昭及諸大將定策誅之下令廢立孝

的即位復為皇太后孝昭崩太后又下詔立武成帝大 月辛丑崩於北宫時年六十二五月甲申合葬義平陵 寧二年春太后寢疾衣忽自舉用巫媪言改姓石氏四 宣則夢大龍首尾屬天地張口動目勢狀驚人孕孝昭 月入懷孕襄城博陵二王夢鼠入衣下后未崩有童謡 則夢蠕龍於地孕武成則夢龍浴於海孕魏二后並夢 太后凡孕六男二女皆感夢孕文襄則夢一斷龍孕文 日九龍母死不作孝及后崩武成不改服維袍如故未

聘之號曰蠕蠕公主八月神武迎於下館阿那葉使其 幾登三臺置酒作樂宫女進白枪帝怒投諸臺下和士 明皇后及文襄並勸請乃從之武定三年使慕容嚴往 子求婚阿那壞曰高王自娶則可神武猶豫尉景與武 西魏通和欲連兵東伐神武病之令杜弼使蠕蠕為世 開請止樂帝大怒過之帝於昆季次實九盖其徵驗 蠕公主者蠕蠕主郁久問阿那壞女也蠕蠕疆盛與

弟秃突住來送女且報聘仍戒曰待見外孫然後返

次 包 車 全 書

彭城太妃爾朱氏荣之女魏孝莊后也神武納為别室 此神武崩文襄從蠕蠕國法蒸公主產一女馬 公主引魚弓仰射 公主性嚴毅一生不肯華言神武當有病不得往公主 无突住怨志神武自射堂與疾就公主其見將護如 重逾於婁妃見必束帶自稱下官神武迎蠕蠕公主 爾朱氏迎於木井北與蠕蠕公主前後別行不相見 翔鴻應弦而落妃引長弓斜射飛鳥

亦一發而中神武喜曰我此二婦並堪擊賊後為尼神

上黨太妃韓氏軌之妹也神武微時欲聘之軌母不 都後神武納之寵冠後庭生馮翊王潤神武之征 州後適范陽盧景卒 武為起佛寺天保初為太妃及文宣狂酒將無禮於 太妃不從遂遇禍小爾朱氏兆之女也初為建明 神武貴韓氏夫已死乃納之 神武納之生任城王未幾與趙郡公琛私通徒於 太妃鄭氏名大車嚴祖妹也初為魏廣平王妃愛 通志 許

欽 罷生王子浟神武將有廢立意文襄求救於司馬子 襄一百而幽之武明后亦見隔絕時彭城爾朱太妃有 升也文襄蒸馬神武還一婢告之二婢為證神武杖文 定四庫全書 如來朝偽為不知者請武明后神武告其故子如曰 難亦姦子如妾如此事正可覆盖如是王結髮婦常 父母家財奉王王在懷朔被杖背無完膚如晝夜供 視瘡後避葛祭同走并州貧困然馬屎自作靴恩義 可忘夫婦相宜女配至尊男承大業又婁領軍勲何

者司馬子如賜之黄金百三十斤文襄贈良馬五十 京之不許遂牽曳取之京之尋死游氏於諸太妃中最 高陽太妃游氏父京之為相州刺史神武尅都欲納之 且進父子夫妻相泣乃如初神武乃置酒曰全我父子 如鞫之子如見文襄尤之曰男兒何意畏威自誣因 宜搖動一女子如草芥况婢言可必信乎神武因使子 召后及文襄武明后遥見神武一步一叩頭文襄且拜 **婢及辭齊告者自縊乃啟神武曰果虚言神武大悦**

大己日華全書

帛萬匹世子辭求通受諸貴禮遺於是十屋皆滿次生 娘者延實從妹也初為魏城陽王妃又王娘生永安王 為魏任城王妃適爾朱世隆神武納之生浮陽公主李 有德訓諸王公主婚嫁常令主之馮娘者子昻妹也初 浚穆娘生陽平王淹並早卒不為太妃 公主而歸於文襄容德無美曲盡和敬初生河間王孝 文襄敬皇后元氏魏孝静帝之姊也孝武帝時封馮 時文襄為世子三日而孝静幸世子第贈錦繡及布 1.17 翊

奎悦而納之遂被殊龍奏魏帝封馬文襄謂崔季舒 吾兄昔姦我婦我今須報乃淫於后其高氏女婦 年文宣漸致昏狂乃移居於高陽之宅而取其府庫 疏皆使左右亂交之於前以為為經令魏安德主騎 使人推引之又命胡人苦辱之帝又与呈露以示羣 斌庶生妹也初不見齒為孫騰妓騰又放棄文襄遇 武平中后崩祔葬義平陵琅邪公主名王儀魏高陽王 通志

公主文宣受禪尊為文襄皇后居靜德官及天保六

幸之皆封公主括父子由是超授賞賜甚厚馬 通公主文襄大悦把選臂入見馬季舒語人曰崔暹常 體過於吾玉儀同産姊静儀先適黃門郎崔括文襄亦 忿吾佞在大將軍前每言叔父合殺及其自作體佞 直諫我亦有以待之及暹諮事文襄不假以顏色居三 日暹懷刺墜之於前文襄問何用此為選悚然曰未得 爾由來為我求色不如我自得一絕異者崔暹必當造 13

四庫全書

卷二十

文宣皇后李氏諱祖娥趙郡李希宗女也容德甚美初

貴之接帝竟不從而立后馬帝好捶撻嬪御乃至有 戮者唯后獨蒙禮敬天保十年改為可賀敦皇后孝 問下不得見愠曰兒豈不知邪姊姊腹大故不見兒 不改元妃而德正猶固請廢后而立段昭儀欲以結 不許我當殺爾兒后懼從之後有娠太原王紹 位降居昭信宫號昭信皇后武成踐作逼后淫 太原公夫人及帝將建中宫高隆之高徳正言漢 不可為天下母宜更擇美配楊愔固請依漢魏故 通志

The state of the

捷之后號天不已盛以絹囊流血淋漓投諸渠水良 聞之大慙由是生女不舉帝横刀話曰爾殺我女我何 會殺爾婦元氏懼匿婁太后家終文宣世不敢出的 乃蘇以犢車載送妙勝尼寺后性愛佛法因此為 色無美禮遇殆同正嫡後主時改適錄尚書唐岂 俗弄女壻法戲文宣文宣銜之後因發怒謂韶曰我 殺爾兒對后前築殺紹德后大哭帝愈怒裸后亂 關隋時得還趙郡段昭儀韶妹也婚夕 1

怒先鋸殺其姊嬪時有娠過産亦從戮 賜姓步六孙孝昭即位立為皇后帝崩從梓宫之郭 天家超用修為尚書郎薛嬪者本倡家女也年十四五 昭皇后元氏開府元蠻女也初為常山王妃天保 進御文宣後知先與岳通又為其父乞司徒公帝大 為清河王岳所好其父求內宫中大被寵嬖其姊亦 汾橋武成聞后有奇樂追索之不得使閱人就車 者琅邪人也嬪姊先適崔修文宣並幸之數數降其

武成皇后胡氏安定胡廷之女其母范陽盧道約女初 蠻由是坐免官后以齊亡入周氏宫中隋文帝作相 家相知官闡內忽有飛語帝令檢推得后父兄書信元 辱降居順成官武成既殺樂陵王元后被悶隔不得與 懷孕有胡僧詣門曰此宅勢蘆中有月既而生后天 初選為長廣王妃產後主日有鍋鳴於產帳上武成崩 山東

歃

定四庫全書 一

尊為皇太后陸媼及和士開密謀殺趙郡王叡出妻定

處以獻為昭元統僧徒遙指太后以弄曇獻乃至謂之 與后姦通自武成崩後數出指佛寺又與沙門雲獻通 钦定日車全書 為太上者帝聞太后不謹而未之信後朝太后見二少 之所御也乃置百僧於內殿託以聽講日夜與雲獻寢 后與諸間人褻神武成寵幸和士開每與后握樂因此 遼高文遥為刺史和陸諂事太后無所不至初武成 時 尼悦而召之乃男子也於是曇獻事亦發皆伏法并殺 布金錢於獻席下又掛實裝胡床於獻屋壁武成平生

亡入周恣行姦穢開皇中殂 當有暴逆事帝許云都中有急彎弓纏引馳入南城 相見久之帝迎復太后太后初聞使者至大驚慮有不 **鄴至紫陌卒遇大風煎舍人魏僧伽明風角奏言即** 元山王三郡君皆太后之所昵也帝自晉陽奉太后還 ,鄭莊公克段而遷姜氏文雖不工當時深以為愧齊 每太后設食帝亦不敢皆周使元偉來聘作述行賦 長爾幽太后北宫仍有動內外諸親一不得與太后 令

弘德夫人李氏趙郡李叔讓女也初為魏静帝嬪武成 悲哭後主為之惻愴私遺衣物令出外避馬盧生淮南 納馬生南陽王仁盛為太妃姊為南安王思好妃坐夫 义妹武成並以為嬪武成崩後胡后令二嬪自殺二嬪 任祥並有女因坐父兄事皆入官為文宣所幸武成以 王後為太妃又有馬嬪亦得幸為后所妬自縊死彭 反以燒死太如聞之發在而薨文宣五殯及中人盧勒 彭為夫人生齊安王任生丹陽王並為太妃

主受禪立為皇后武平三年正月生女帝欲悦光詐 後主皇后斛律氏左丞相光之女也初為皇太子妃後 悦立為弘徳夫人進左昭儀大被寵愛斛律后廢陸姐 深以為愧欲求悦後主故飾后於東官今帝見之帝果 後主皇后胡氏隴東王長仁女也胡太后失母儀之道 生男為之大赦光誅后廢在别官後令為尼齊滅嫁為 欲以移夫人代之太后不許祖孝徵請立胡昭儀遂登 府元仁妻

為皇后陸媼既非勸立又意在移夫人後忽於太后 後主皇后穆氏名邪利本斛律后從婢也母名輕霄, ,子倫婢也轉入侍中宋欽道家姦私而生后莫知 色言曰何物親侄女作如此語言太后問其言為 不可道固問之乃曰語大家云太后行多非法不 後亦改嫁云 以詩以通意後與斛律廢后俱召入內數日而點 太后大怒喚后出立剃其髮送令還家帝思見

定四車全書

主未有儲嗣陸陰結符以監撫之任不可無主時皇后 族或云后即欽道女也小字黃花後字舍利欽道婦奶 為女薦為弘徳夫人武平元年六月生皇子恒於時後 太子陸以國姓之重穆陸相對又奏賜姓穆氏胡庶人 後主宫內稱為舍利大監女侍中陸大姬知其龍養以 之廢也陸有助馬故遂立為皇后大赦初有折衝將軍 以輕霄面點為宋字欽道伏誅黃花因沒入宫有幸於 斛律氏丞相光之女也慮其懷恨先今母養之立為皇

后以後昏飲無度故云清觞滿盃酌陸息駱提婆詔 又遣商胡齊錦絲三萬足與男使同往欲市真珠為皇 為營之屬周武遭太后喪部侍中薛孤康買等為弔使 后造七寶車周人不與交易然而竟造馬先是童謠曰 元正烈於鄴城東水中得璽以獻文曰天皇后璽盖 所作詔書頒告以為穆氏之瑞馬武成為胡后造自 裙袴所費不可稱計被火所烧後主既立穆皇后 化勢欲落清觴滿盃酌言黃花不久也後主自立穆

通志

進之號日續命性慧點能彈琵琶工歌舞後主惑之坐 使禁掌之竟不得見 姓為穆陸大姬皆以皇后故也后既以陸為母提婆為 帝獵於三堆晉州亟告急帝將還淑妃請更殺一圍帝 惡曹昭儀所當居也悉令及換其地周師之取平 同席出則並馬願得死生一處命淑妃處隆基堂 淑妃名小憐大穆后從婢也穆后愛哀以五月五日 定匹庫全書 | 不復顧念輕霄輕霄後自療面欲求見為大姬陸 媪

入帝勃且止召淑妃共觀之叔妃擬點 從其言識者以為後主名緯殺圍言非古徵及帝至晉 御仍與之並騎觀戰東偏少却叔 叔妃欲往 作舍人以不速成受罰帝與妃度橋 城已欲没矣作地道攻之城陷十餘步将士乗勢 有功敷將立為左皇后即令使 拒 塞城遂不下舊俗相傳晉州城西石上有聖 觀之帝恐努矢及橋故抽攻城木造遠 妃怖曰軍敗矣帝 馳取禕翟等皇 橋 不獲時至周 壞至夜乃還

著之然後去帝奔都太后後至帝不出迎叔妃 惜也仍以賜之及帝遇害以叔 周武帝乞淑妃帝曰朕視天下如脱 知心斷絕應看 彈琵琶因經斷作詩日雖家今日龍 於是復走內勢自晉陽以皇后衣至帝為按轡 北門出十里迎之復以淑妃奔青州後主至長安 膝上紋達如為淑妃所譖幾置於 妃賜代王達甚嬖之 展一 揂 老嫗 礼憶昔時 將 豈

贼

匹庫全書

卷二

淑妃奔還至洪洞戌妃方以粉鏡自玩後聲亂唱

令自殺後主以李祖欽女為左昭儀進為左娥英裴氏 琵琶為昭儀以僧奴為日南王僧奴死又贵其兄弟妙 樂人曹僧奴進二女大者當件旨剝面皮少者以善彈 為右城英娥英萬取舜妃娥皇女英為名陽休之所 達等數人同日皆為郡王為昭儀别起隆基堂極為統 王夫人小王夫人二李夫人皆嬖寵之毛能彈箏本 麗陸媼誣以左道遂殺之又有董昭儀毛夫人彭夫 · 费隋文帝將賜達如兄李詢令者布裙配春詢母逼

寺與總持相将大李本隸户女以五弦進小李即李貞 女也小王曾生一男毛兄思安縣升武衛董父賢義 一開薦入帝所幸彭夫人亦以音伎進死於晉陽造佛

由軍主超登開府自餘烟屬多至大官 文皇后元氏魏孝武之妹也初封平原公主適開府

歡散性貪殘遇后無禮孝武殺歡改封后為馮翊公主

以配文帝生孝関帝魏大統十七年费恭帝三年十

皇后 文宣皇后此奴氏代人也文帝為丞相納為姬生武帝 主帝之為略陽公也尚馬及踐阼立為皇后帝被察后 孝関皇后元氏名胡摩魏文帝第五女也初封晉陽公 天和二年六月尊為皇太后建德三年三月崩五月茲 月合葬成陵孝閔踐作追尊為王后武成初又追尊 出俗為尼建德初武帝誅晉公護上帝尊號以后為孝 永固陵

灾 足 日車 至書

前後累遣使馬保定五年二月詔陳公統許公宇文貴 崇為皇后明帝崩與后合葬馬 **閔皇后居崇義官周滅后出居里第隋大業十二年姐 衡結以為接俟斤初欲以女配帝既而悔之武帝即位** 明敬皇后獨孤氏太保衛公信之長女也帝之在藩 既滅蠕蠕盡有塞表之地志陵中夏文帝方與齊人爭 為夫人二年正月立為皇后四月崩葬昭陵武成初追 武成皇后阿史那氏突厥木杆可汗供斤之女也突厥

老二十

宮以下一百二十人至俟斤牙所迎后俟斤忽改圖將 以后許齊純等累請不得及命會雷風大起飄壞其穹 神武公實毅南安公楊符等備皇后文物及行殿并六 天元皇太后隋開皇二年殂年三十二隋文詔有司 **盧俟斤大懼以為天譴乃禮送后純等奉之以歸天和** 三年三月至武帝接以親迎之禮后有姿貌善容止帝 深敬禮馬宣帝即位尊為皇太后大象元年二月改為

· Auto I

一百四

|為帝納后為皇太子如宣政元年閏六月立為皇后帝 宣皇后楊氏名麗華隋文帝之長女也帝在東宫武帝 七月尊為帝太后大象元年二月改為天元帝太后七 武皇后李氏名娥姿楚人也于謹平江陵后家被籍没 帝崩静帝尊為大帝太后隋開皇初出俗為尼名常悲 月又尊為天皇太后二年二月尊為天元聖皇太后宣 至長安文帝以后賜武帝後得親幸生宣帝宣政元年 八年殂以尼禮葬于京城南

欽 嘗譴后欲加之罪后進止詳問辭色不撓帝大怒賜 立天中大皇后與后為五皇后馬后性柔婉不妬忌 (逼令引決后母獨孤氏 定四庫全書 帝崩靜帝尊后為皇太后居弘聖宫初宣帝不 后及嬪御等咸爱而仰之帝後昏暴滋甚喜怒垂 右皇后與后為四皇后二年二月詔 是后及三皇后並加大馬冊授后為天元大皇后 詣 **閻陳謝叩頭流血然** 后 一百五 取象四 四

自稱天元皇帝號后為天元皇后尋又立天皇

宣帝后朱氏名滿月吳人也其家坐事沒入東宫宣帝 皇初封后為樂平公主後又議奪其志后誓不許乃止 異圖意頗不平及行禪代憤怨愈甚隋文內甚愧之 文帝受遺輔政后初雖不預謀然以嗣主幼沖恐權 他族不利於己聞昉譯已行此詔心甚悦後知隋文有 隋文帝入禁中侍疾及大漸劉昉鄭譯等因矯詔以 大業五年從煬帝幸張掖殂於河西詔還京所司備 葬后于定陵 隋 禮

與無龍以静帝故特尊崇之班亞於楊皇后馬宣帝崩 改為天大皇后后本非良家子又年長於帝十餘歲疎 静帝尊后為帝太后隋開皇初出俗為尼名法静六年 年四月立為天元帝后七月改為天皇后二年二月又 女也大象元年六月以選入宫拜為德妃月餘立為天 宣帝后陳氏名月儀自云顏川人大將軍山提之第 **殂以尼禮葬于京城西**

通志

一百六

之為太子后被選掌衣服帝召幸之遂生靜帝大象元

左皇后二年二月改為天左大皇后頃之又詔以坤 宣帝皇后元氏名樂尚河南洛陽人開府晟之第二女 謝陽王武帝平齊拜大將軍封淅陽公大象元年以后 也年十五被選入官拜貴妃大象元年七月立為天右 父超授上柱國進鄅國公除大宗伯 德土數惟五四大皇后外增置天中大皇后一人 山提本爾朱兆之隸仕齊位特進開府東兖州刺史 以后為天中大皇后帝崩出俗為尼名華光永微初

歃

定四庫全書

5

宣帝皇后尉遲氏名繁熾蜀公迎之孫女也有美色 尚存晟少以元氏宗室拜開府大象初以后父進位上 皇后二年二月改為天右大皇后帝崩出俗為尼名並 及為尼後李朱及尉遲后並相繼殞没而二后貞觀中 初后與陳皇后同時被選入官俱拜貴妃及升后 日受冊帝寵遇二后禮數均等年齒復同特相親爱

適把公亮子西陽公温以宗婦例入朝帝逼幸之及亮

通さ

静帝司馬皇后名令姬柱國榮陽公消難之女也大象 謀逆帝誅温追后入官拜長貴妃大象二年三月立為 史李丹妻貞觀初猶存 天右大皇后帝崩出俗為尼名華道隋開皇十五年姐 元年二月宣帝傳位於帝七月為帝納后為皇后二年 九月隋文帝以后父奔陳廢為庶人後嫁為隋司州

文獻皇后獨孤氏諱伽羅河南洛陽人周大司馬衛公

賞有功者百春聞之畢賀文帝甚寵憚之帝每臨朝后 市之后曰當今戎狄屢窓將士罷勞未若以八百萬分 國交市有明珠一篋價值八百萬幽州總管陰壽白后 之勢必不得下勉之及帝受禪立為皇后突厥當與中 帝崩隋文居禁中總百揆后使李圓通謂文帝曰騎虎 宣帝后貴戚之盛莫與為比而后每無甲自守及周宣 與后相得誓無異生之子后姊為周明帝后長女為周 信之女也信見文帝有奇表故以后妻馬時年十四帝 當斬文帝以后故免之后曰國家之事馬可顧私長仁 骨肉此不順事爾等當誠之后姑子都督崔長仁犯法 調諸公主曰周家公主類無婦徳失禮於舅站離薄 司奏曰周禮百官之妻命於王后憲章具在請依古制 早失二親常懷感慕見公卿有父母者每為致禮馬有 時匡諫多所弘益候帝退朝而同及宴寢相顧欣然 輕與上方 華而進至問乃止使官官同帝政有所失隨 后日以婦人與政或從此漸不可開其源也不許后每 后

夢周阿史那后言受罪辛苦求營功德明日言之上為 讀書識達今古凡言事皆與上意合官中稱為二聖當 寶車及鏡臺絕巧麗帝使毀車而以鏡臺赐后后雅好 嵩妻織成衣領宫中亦無上以后不好華麗有齊時七 藥須胡粉一两官內不用求之竟不得又欲賜柱國劉 妄身請其命随於是減一等后雅性儉約帝常合止利 竟坐死異母弟施以循思巫盡祝祖於后坐當死后三 日不食為之請命白随若蠹政害民者不敢言令坐為

帝於仁壽官見而悦之因得幸后同帝聽朝陰殺之上 大怒單騎從苑中出不由徑路入山谷間三十餘里高 尤好思後官莫敢進御尉遲迎女孫有美色先在宫中 許女遂行后頗仁愛每聞大理決囚未當不流涕然性 立寺追福馬后兄女夫死於并州后嫂以女有娠請不 楊素等追及扣馬諫帝太息曰吾贵為天子不得自 葬后曰婦人事夫何容不往其始在宜自語之始不 類日陛下豈以一婦人而輕天下帝意必解駐馬

等和解之上置酒極數后自此意頗折初后以高頻 良久夜方還官后候上於問內及帝至流涕拜謝類 之由是諷帝點高頻竟廢太子立晉王廣皆后之謀 時皇太子多內寵如元氏暴薨后意太子爱妄雲氏害 以頻夫人死其妾生男益不喜之漸加諧毀帝亦每事 父之家客甚見親禮至是聞類謂己為一婦人街之又 仁壽二年八月甲子日暈四重己已太白犯軒轅其夜 后言是用后見諸王及朝士有妄孕者必勸帝斥之

宣華夫人陳氏陳武帝女也性聰慧姿貌絕好及陳滅 萬 謂侍者曰使皇后在吾不及此云 内助每致禮馬進金蛇金駝等物以取媚於陳氏皇太 陳氏容華夫人蔡氏俱有寵帝頗惑之由是發疾及危 子廢立之際頗有力馬及文獻皇后崩進位為貴人專 配校庭後選入官為嬪時獨孤皇后性如忌後官罕得 后崩於永安宫時年五十九葬於太陵其後宣華夫人 御唯陳氏有寵煬帝之在藩也陰有奪宗之計規為

出問為物書記示左僕射楊素素以白太子太子遣 黄門侍郎元嚴曰呼我兒述等呼太子帝曰勇也述嚴 宣華夫人初帝寂疾於仁壽宮夫人與皇太子同侍疾 其神色有異問之夫人泣以實對帝悉曰畜生何堪付 平旦更衣為太子所逼夫人距之得免歸於上所上怪 大事獨孤誠誤我意謂獻皇后也因呼兵部尚書柳述 房擅罷主衙內事六官莫與為比及帝大漸遺詔拜為 入寢遂今夫人及後官同侍疾者並就别室俄而上 通志

肯致謝諸官人共逼之乃拜使者其夜太子蒸馬煬帝 見惶懼以為鴆毒不敢發使者促之乃發見合中有同 前夫人與諸後官相顧曰事變矣皆色動股慄明後太 心結數枚諸官人相謂曰得免死矣陳氏悉而却坐不 子遣使者齊金合帖紙於際親署封字以賜夫人夫人 鉑 定四庫全書 位出居仙都官尋召入歲餘而終時年二十九帝深

容華夫人蔡氏丹陽人也陳滅以選入宫為世婦容儀

煬帝愍皇后蕭氏後梁明帝歸之女也判揚間以二月 帝崩後亦為煬帝所蒸 拜為貴人參斷宫掖亞於陳氏帝寢疾加號容華夫人 姚 婚帝甚悦之以文獻后故希得進幸后崩漸見寵遇

夫妻俱死轉養舅張軻家軻甚貧窶后躬親勞苦煬帝

氏令使者占之曰吉遂冊為妃后性婉順有智識好學

為晉王文帝選妃於梁卜諸女皆不吉歸乃迎后於舅


生子者不舉后以二月生由是季父发收養之未幾发

大勢已然無可救者何用言徒令帝憂煩耳自是無復 奏之官人言於帝帝大怒曰非汝宜言乃斬之官人復 位立為皇后帝每遊幸未當不隨從時后見帝失德心 白后曰宿衛者往往耦語謀及后曰天下事一朝至此 都臣下離貳有官人白后曰外間人人欲及后曰任汝 解屬文頗知占候文帝大善之煬帝甚龍敬馬及帝嗣 不可不敢措言因為述志賦以自寄其意及帝幸江

言者及宇文化及之亂隨軍至即城化及敗沒於實建

城公主也遣使迎后建德不敢留遂攜其孫正道及諸 賜宅於興道里二十一年殂詔以皇后禮於揚 入於房庭唐貞觀四年破突厥皆以禮致之歸於 於煬帝陵諡曰愍 · 禮縣是時突厥處羅可汗方盛其可賀敦即隋盖

之德妻曹氏妬悍煬帝妃嬪美人並使出家并后置





腾録監生日朱 溥教官庶妻日嚴 福校官庶妻日時 朝